

周
禮
輯
義

周禮輯義序一

自天高地下萬物散殊而禮制行焉禮之爲禮卽道也卽性也
卽天也故其象爲亨通之德而合於嘉會之禮流之爲天理之
節文制之爲人事之儀則達之爲叙秩之序庸命討之章用凡
自無體無聲以至可感可象而修齊治平莫不統是者恃此道
也斯道也自伏羲畫象黃帝垂裳而權輿已兆馴至唐虞命官
以來制漸增加逮周元公相王踐祚土中旣宅實於茲陰陽五
行之秘而建爲天地四時之官其間冢宰掌邦治而道始官庭
司徒掌邦教而道敷衆庶宗伯掌邦禮司馬掌邦政而幽明格
而中外寧司寇掌邦刑司空掌邦事而刑罰中而事物理故周

周禮

序一

東坡先生

禮一書正君心以正朝廷以暨百官萬民而後世以爲天理
熟且以爲廣大精密非聖人不能作者道誠至也戰國之時強
侯去籍又厄經秦火而漸滅殆盡聖制未泯發於孝武孝成之
世而遞聞於漢以後唐宋元明之儒斯道庶云有幸然精理雖
云互發集註尙鮮完書其間雜之以議緯中之以名法亂之以
智巧甚至新莽宇文宋熙寧之間假聖文奸爲生民害學者其
不以周禮爲禍世之書者幾已鮮矣天運否泰有塞必通我

皇上天縱好學稽古右文方

授梓謨

命侍從之臣率海內賢俊排纘經籍今羣經之局已成三禮之館

一待設而在下之士蚤已搜羅抉剔集大成書此誠邇隆之化洋溢薰蒸以故士之應運而興者至此捷以神也某叨贊

大廷自先文肅公以來世以一經相授遂謬主麟經之館方魏未能闢聖翼經以揚至治而姜子之書適成溯姜氏世有聞人如宮保姜鳳阿公暨肅政養冲奉常同節諸公皆以文章節義詳載

國朝史院今姜子方退休於下乃能賴洛閩之緒餘使先聖之大經大法昭宣於

盛世是不但家之光而爲國之華也某益覺慙乎後矣故予因論禮以大其研經覺世之功而序之如此昔

康熙五十七年戊戌嘉平 文淵閣大學士 王揆撰

禮輯義序二

自古設官分職以治天下之民其道莫詳於周非徒制設明條目備而已要有其義之至精以爲之本凡天地陰陽官府內外貴賤巨細佚勞之屬莫不因自然之性極變化之用正一心以蒞百官宰萬物使宇宙之內形率事殊族辨情合爭與賡不作而太和以成斯禮也惟聖人行之惟聖人能言之周衰籍散漢儒掇拾以傳於今宋元以來各疏其辭發其意要在抱殘舉墜什不失一而已先王所以因時而立法量土而制宜度材而器使稱事而報功精意至道後人莫能溯其本窮其末何由設施厝注俾之各得其所也夫以聖人之書精之至於神鬼格麟鳳

集其次粗舉大畧足以苟安其謬者泥而罕通假而召亂禍烈於秦火然則聖人制禮命官之本意其不可以不深思而切究之也久矣同年丹陽姜子上均名兆錫好古不倦尤研思三禮之學所著周禮輯義述舊開抒已意務在昭象而考數審文以辨制事道貫而辭理微今之學者用心極於此禮書之復明聖人之道之不廢其可幸也於戲執遺經而蒐羅爬剔窮且老不悔使千鈞繫於一髮儒者之責也若夫準古今定損益興禮成官曲脩

聖天子垂衣端拱行道於上有司凜凜奉法罔敢隕越抑訪是書而獻之庶幾供萬一之採擇云爾

庚戌戌十月既望新定張大聖書序

周禮輯義序三

余友姜子上均潛心周禮數十年著輯義若干卷予受而卒讀之且質之曰凡治經之難匪直辨其文而已必將斟酌權變勿使泥乎古而悖乎今然後施之張之而無往不適於用昔周盛時列聖相繼重熙累洽周公舉六官之制勅爲成書垂示久遠其所因者二代損益之餘而其時分土授民者又多具聖賢之材足以奉行而無弊故雖闕闕卜祝衣膳泉貨之屬絲聯繩貫委曲繁夥而天下不以爲煩自漢以來諸儒區區補綴鄭荀賈馬之徒類能言之而或竊其緒餘以見之行事則王田市易貴苗均輸諸法紛然錯出而交亂於天下嗚呼習岐輪之畫而不

知疾者楚痛之所在庸醫且挾書以殺人而豈作醫者之罪哉
蓋嘗論之自秦并天下罷侯置守積重之勢歸於上而比閭族
黨之任不得不輕夫上重而下輕則民以簡畧爲宜而周官之
煩重無所用又况五等之封鄉遂溝洫之制多與他書相抵牾
顧欲從數千載後復古道而行之不已難乎易云觀其會通以
行其典禮夫亦師其意勿泥其迹可已今

天子制作明脩監百代而折衷之百工兢兢法守罔敢不共而吾友
遠蒐舊章於凡兵農朔祭之大汔於車旂服物之詳纖悉具脩
洞若觀火豈徒肆稽古之力哉毋亦令讀是書者相時宜辨風
土經經緯緯會周公致治之原爲

聖主章綽熙揚鴻烈庶圻泥平古而惇乎今云爾美于惓然曰然遂
書之

康熙己亥立春後五日同里王澍序

周禮輯義後序

自漢以來談周禮者亡慮百十家宋陳君舉嘗進周禮說序曰
二鄭諸儒崎嶇章句窺測皆薄物糾校而建官分職關於盛衰
大指悉明弗著漢魏後頗采周禮亦無過興服官名緣飾淺事
而王道缺焉蓋廢又曰藝祖列聖任子及於異姓取士及於特
奏養兵及於剩員蓋周衰且千載而詩書之意於是焉在也君
舉於周官之學雖不醇而其見固已卓矣然嘗因其說推之彼
所謂特奏者乃屢舉不第卒執侍從覈其藝學湛焯者偕五甲
奏名如羅豫章先生是也矧今姜子少與計偕殖學復三十載
尤條析鈎貫於周官經世之指年又財齒服政而何不佻之一

少展其學乎。昔宋宣文君。儒家女耳。背負父所授周官音義。於
鹿車推徙之間。諷誦不輟。後苻秦立講堂。其家置生員百二十
人。隔絳紗幔而受業。周官學復行於世。北周使尹公正。詣周禮
齊人。不能對。乃令熊安生至賓館。一一演說。咸究根本。公正深
嗟服。而還周禮。不肄於學宮。且四五百載。今姜子獨力探其文。
詳釋其義。又當可以有爲之年。奉

召以愛鄉。遂大夫之職而卒。以病不果行。遂陳情闕下。

予放還山。意者天適欲昌周官之學於講堂賓館間。而不徒宋齊兒
女子故事已乎。姜子揚哉。今其南也有司。且當桑革飾輪以俟。
康熙戊戌十二月二十六日宜興儲大文書

寅清樓撰述書目

周禮輯義

寅清樓方音初集

志學齋永言

春風亭倡和詩

寅清樓小題制義

寅清樓詩經稿

寅清樓直省考卷選

以上書籍計七種已刻

禮記章義

書經蔡傳本義

春秋胡傳本義

春秋公羊穀梁經傳通義

爾雅叅義

孝經本義

汲冢周書刪翼

大戴禮刪翼

家語正義

孔叢訂義

朱子楚辭叅義

列女傳訂義

新序訂義

說苑訂義

春秋事義慎考

羣經本末攷

周禮類攷

適我園遺編

寅清樓文集

寅清樓方音二集

寅清樓方音三集

方嶽採風錄

嶽國文公世澤彙編

寅清樓世澤錄

寅清樓大題制義

寅清樓歷試草

寅清樓詩經存稿

古文載道編

國朝五十大家選

國朝墨卷選

國朝考卷選

以上書籍計三十一種即刻

右已刻續刻通計三十八種皆家君撰述而重所與聞其義而

編次者也家君曩從坊隲有寅清樓詩經稿百三十首四書小

題制義六十首方音初集六卷及直省考卷選已授梓而以討論經學凡經書制義及詩古文所未授梓者固十之六七也。唐念經學自洛闢論定爰掃荆榛然今所立於學官者惟四子書及易詩二經定自朱子而已餘經如尚書秦傳春秋胡傳雖世所宗而朱子且以未盡論定爲憾也況東漢陳氏之於戴記乎況凡散見於十三經而註疏以下駢駁之諸家乎故家君於十三經除朱子集註外皆爲論次其義黃氏之於儀禮猶蔡氏胡氏之於尚書春秋也家君擬以盡從之矣餘書若文雖不盡廁於經凡所撰述皆以輔經也家君別號素清學者居邑東白鶴溪之鰲村車馬輪蹄所罕至長年惟好習靜年弱冠宛平高素侯先生視學南中振取縣學第一庚午省試中經魁凡十一試春官膺房薦者三丙戌會闈本房張志尹先生以會元薦檄裁欲置第六坐力學反見斥然家君少淡進取中年後遂罷科舉之業而其後部掣楚令亦以病陳乞還山矣凡沐聖世之餘閒潛心理學固遇爲之哉亦志使然也男允重謹識

周禮目錄

卷之一

天官冢宰第一

天官冢宰總序

天官冢宰序官

天官冢宰序職上

卷之二

天官冢宰序職下

卷之三

地官司徒第二

地官司徒總序

地官司徒序官

地官司徒序職上

卷之四

地官司徒序職下

卷之五

春官宗伯第三

春官宗伯總序

春官宗伯序官

春官宗伯序職上

卷之六

春官宗伯序職下

卷之七

夏官司馬第四

夏官司馬總序

夏官司馬序官

夏官司馬序職上

卷之八

夏官司馬序職下

卷之九

秋官司寇第五

秋官司寇總序

秋官司寇序官

秋官司寇序職上

卷之十

秋官司寇序職下

卷之十一

冬官司空第六

冬官司空總序

今闕以篆字六曲六及書周官之文依五官補之

冬官司空序官

今闕

冬官司空序職今

附攷工記總序

攷工記序工

攷工記序職上

卷之十二

攷工記序職下

右周禮六官者周先聖文公營洛以後制治之遺蹟也周自先
公古公邑於岐周嗣文王遷豐武王遷鎬皆不出其百里之內
而時於一切制度亦有未遑者至武王崩成王幼文公相之乃
始治洛爲都以控羣服朝諸侯世謂之成周而制作亦因以起
焉經首所謂辨方正位體國經野之法及大司徒所載考日景
以求土中而爲天地所合四時所交與夫風雨會而陰陽和者
蓋指諸此此周之建邦宅土與其制禮作樂所以相爲終始之
實也然此書今闕冬官而餘官亦多有闕說者以爲廢亡於秦

火或以爲司祿之屬強侯去其籍或於小司馬之屬又以爲事
貴神密而秘之其論蓋有不定者獨九峯蔡氏謂周禮本末未
備周公未成之書也故其間法制有未施行而與諸書亦多異
焉此雖各條未必盡然而大義通貫宜未有過之者也書以禮
名而備紀六典者偏言之則邦禮與邦治邦教之類雖分列爲
一職而專言之凡六典皆禮也歐陽子曰三代而上治出於一
而禮達於天下三代而下治出於二而禮爲虛名禮者載道之
器而所以制治之實也後世離禮與治爲二於是以能文若識
緯之屬而謂之禮以名法之末若功利之術而謂之爲治嗟夫
道法貫而禮成心迹岐而禮晦不明乎道而言禮而聖人之心
法治法胥乖矣自東漢迄於北宋之著義立法
者是也丹陽姜兆錫上均氏謹書於鶴溪書屋

周禮本末考三則

唐賈公彥周禮與駢叙曰周初制禮經教興行後至南王禮義
紛亂故晉侯趙簡子見儀皆謂之禮孟僖子又不識其儀也至
於孔子更修而定之時已不具孔子卒後復更散亂故藝文志
云仲尼既沒而微言絕七十二弟子喪而大義乖又云周衰諸
侯將踰法度滅去其籍至秦大壞此也漢初高堂生傳十七篇
高堂生以下傳魯徐生取丘瑯齊東海孟卿及后蒼戴聖鄭興
之五傳弟子所傳十七篇即儀禮也周禮孝武之時始出秘而不
傳故馬融周官傳云秦用前君之法與周官相反如皇禁挾
書特惡之孝武始除挾書律開獻書之路既出於山巖屋壁復
入於秘府五家莫得見又云劉向子歆校理秘書始得列叙著
於錄畧衆儒共排爲非唯歆年幼獨識末年乃益知其周公致
太平之迹弟子綴氏杜子春永平初年且七十能通其讀鄭衆
賈逵往受業焉皆謂此也鄭玄叙云世祖以來大中大夫鄭少
贛子大司農仲師議郎衛次仲侍中賈景伯南郡大夫馬季長
皆作周禮解詁斯可謂雅達廣覽者也然猶有參錯同事相違
然則周禮起於劉歆而咸於鄭玄附麗之武帝以周官爲末世
演亂不驗之書故林孝存作十論七難以排之而何休亦以爲
六國陰謀之書唯鄭玄知周禮乃周公致太平之迹故能答林

碩之論難使

美得條通也

宋蕭陽鄭樵推仲三禮總辨曰禮有三曰禮記曰周禮曰儀禮周禮儀禮乃周人之禮而所謂禮記者特其傳註耳漢興禮經焚燒獨其唯魯高堂生所傳儀禮一十七篇與夫后舍曲臺雜記數萬言而已而周禮一書至武帝時河間獻王得之女子李氏獻於武帝藏之秘府漢世諸儒傳授皆以曲臺雜記故二戴禮在宣帝時立於學官周禮儀禮世雖傳其書未有名家者至鄭康成然後二註之訓釋始具至孔穎達賈公彥而後三經疏始傳焉

曲臺射宮名漢初西京無學行禮於曲臺孝宣時后舍記其禮數萬言號曲臺雜記以授藏德藏聖通刪為四十九篇即今禮記也

元陳川吳澄幼清周禮叙曰周官六篇其冬官一篇闕漢藝文志序列於禮官後人名曰周禮文帝嘗召至魏文侯時老樂工因得春官大司樂之章景帝時河間獻王好古購得周官五篇武帝求遺書得之藏於秘府哀帝時劉歆校秘書始著於錄畧以攷工補冬官漢末馬融傳鄭玄玄為之注宋張子程子皆尊信之朱子謂此經周公所作但當時行之恐未能盡後聖雖復

損益可也。至若則爲排解。則隨耳冬官雖闕。今仍存其目。而攷工記別爲一卷。附之終。

周禮輯義附論十一則

讀周禮須先知道能知道則知周公之心。卽三王四事之心矣。程子云。必有闢難辭。此之意。然後可行周官之法。其於聖人。何其心矣。知
道故也。

讀周禮體道者謂之道。術器者謂之器。末學之文。爲曲學之功。利異學之識。藉俗學之詞。章典夫一切雜學之破。鑿奏附皆難。道術器之弊也。故
道器一謂之禮。

讀周禮。訖然後聖人裁成輔相。以左右民。其道方盡。以君而盡。君道以臣而盡。臣道故曰正心。以正朝廷。以正百官。以正萬民。故曰道二。仁不仁而已。仁則
正且盡。不仁則不正不盡也。

讀周禮治道方有把握處。他經非無把握。但他經所說如散錢。此方是貫子。他如離宮別院各成一構。此如明堂九室十二卿。堂階戶屬皆整齊。盡
一又各通貫不闕。

周禮各官職制度如一官職一制度相似若前周禮不通貫便是一官職制度終無有明處前輩論周禮各官如財賦則有九職九賦及凡徵之偏正田制軍制則有鄉遂公邑采地之分合封建則有各等數服數及朝貢享幣之異同祭祀則有郊社禘祫及凡祀之純雜凡此之類繁可凝學者須於不可通處求其通至必不可通乃闕之始得且如田制分合舊註以遂人之十夫有溝與匠人之九夫爲井不合而以小司徒之九夫爲井者合諸匠人其夫數固合已又以小司徒而都之里數狹而匠人成同之里數廣數終不合因率謂小司徒去地三之一治洫澮以合其里數其說諸家多惑之而詳味林氏葉氏諸說則其非其矣據所引春秋傳楚爲掩書土田之九條是九州之地之總數內除度山林地數澤辨京陵表淳田數澮流虎假溝六條是九州中不耕之地數與凡都邑宮巷之屬約去地三之一其町原防一條卽司徒再易之下地牧隰皐一條卽一易之中地井衍沃一條卽不易之土地凡三條之地是九州中耕地之數計居地三之二而其中一易再易之萊與溝塗之屬皆此耕地三條中之數也到後來李惺辟草萊任土地然後三條皆爲歲耕之地如此看來是通九州之地總計之所謂去地三之一者指山林數澤之類與都邑宮室之屬而言若五溝五塗只是十夫中包以一夫初無去地三之

一以治漁漁如註者之妄也這分數明覺遂人之十夫與匠人之九夫本無二制不得妄分而小司徒之九夫為井以下以計數任賦非以畫形制井其於匠人本非一制又不得妄合矣自此井地定則鄉遂縣都家之屬皆有下落何來不應分而分及不應合而合乃都是脫空說餘詳則制分合二辨中

周禮可疑處有四類有與他經隔闕處有本經各條相隔闕處又有制度亡哉隔闕不可得通又註疏及諸儒前後彼此益滋隔闕四類中其與他經隔闕處書周官蔡傳說得最好則禮書水成故其法有未施用徐常吉亦謂若唐之開元顯慶禮未之行也其餘類則須細參

周禮文字輩其整齊中却有錯綜處各條或自相隔闕蓋以此學者須於錯綜處得他整齊便無疑某十五歲後喜閱此書覺明則如百問屋其後十年乃不敢讀遇有隔闕處輒茫然今看來多是三例一省文之例一互文例又一變文例

某年四十後潛心討玩每所疑自本職參之他職又自本經注疏徧參三禮各書傳及諸經解凡正補大學衍義綱目史漢杜佑通典馬氏文獻通考之屬近或數日多至數月然後所疑一條稍有見處緣性魯令亦未信得無疑但比曩差覺少耳其嘗

言讀書自無疑看到有疑是一半工夫再自有
疑看到無疑又一半工夫這語覺非其妄說
注疏於聖經功與過略如周禮自林碩何休之徒肆說以來得
鄭氏而顯故爲功魁然其於一切疑義不憚討論妄以臆揣而
賈氏附之乃爲過始此葉文康所深歎也按所稱郊社禘祫之
屬之失先儒趙氏等正之已久若其田賦朝覲以下宜加及折
者今不疊僭論附詳於篇非敢妄論前賢
正欲剖瑕以表瑜也姜光錫上均氏又職

周禮卷之一

姜兆錫輯義

天官冢宰第一

左天地春製秋冬凡六官冢宰稱天官猶司徒

也冢大也宰制也又治也天官卿事無不宰故名冢宰唐虞時
爲百揆虞書舜納於百揆百揆時叙蔡傳以爲揆度百務之官
也商爲阿衡阿之言保衡猶平也云第一者合下五官而語其
次也吳氏曰爲治莫先於教化故冢宰之後司徒次之教化莫
先於禮樂故宗伯次之教之化之而猶有不率則大者加之以
甲兵小者加之以刑罰不得已也故司馬司寇次之教化行暴
亂去而後民得安居故以司空之居民終焉此冢宰所以居第
一也其通以天地四時名官者何氏謂取其序以爲名號之別
如後世甲庫乙庫之類非有意義也然按六官本自別爲官號
而又冠以此者猶蓋以爲取法大地四時之義冢宰稱天官以
其總御衆官猶天道統理萬物也司徒稱地官以其安養萬民
猶地道載養萬物也禮文繁義象春發生故宗伯稱春官兵威
震赫象夏長盛故司馬稱夏官刑罰嚴厲象秋肅殺故司寇稱
秋官居處安寧象冬嚴藏故司空稱冬官此於義或有然也司
徒司馬司空皆言司而冢宰不言司者諸官各主一事而
冢宰兼總六官也宗伯亦不言司義見本職○劉氏中義曰天

者萬物性命資之爲始故冢宰掌治以法天也地者萬物形質資之爲生故司徒掌教以法地也遂天之所以始成地之所以生此所以萬物各正性命而品物咸亨也潛室鄭氏曰天官以下其分雖異其功則同天官者以治教禮政刑事爲其治者也地官者以教治禮政刑事爲其教者也春官者以聽治教政刑事爲其禮夏官者以政治教禮刑事爲其政秋官者以刑治教禮政事爲其刑冬官者以事治教禮政刑爲其事者也譬言天而五行四時統於天言地而五運四氣統於地春夏秋冬各以其時行而覆載生成之德各正具備也

天官冢宰總序

此首言王者設官分職以立天官冢宰之意乃第一官之總序而其下因序其官與職以

明之也餘官放此

惟王建國辨方正位體國經野設官分職以爲民極乃立天官冢

宰使帥其屬而掌邦治以佐王均邦國

帥率同各官並放此○周禮一書言聖王之設官分

職而作其建立邦國者綜始而言也王者居天下之綱國其所都也辨方辨東西朔南之方正位正南而答陽之位體猶分也分

官國中以為廟社朝市官寢門涂之屬如人之有體澤膚也畫
治野外以為鄉遂都鄙御珍溝洫之屬如織之有經設官即天地
春夏秋冬六卿之官如治官之屬以下是也分職則天官主治地
官主教春官主禮夏官主政秋官主刑冬官主事六者之職如大
宰之職以下是也為民極謂為斯民主極之原也總承建國以下
而官之職領也本官自大宰至於夏采皆治官之屬而此則謂小
事至夏采皆為大宰所屬而帥之也掌之官極也謂極而舉之如
物在掌握也邦治即六典之治典均也書周官家宰掌邦治教
百官均四海○王氏曰四海之治歸王畿王畿歸王例王朝歸王
陽王建其有極而王道不出於此故六官篇首皆以此諸冠之集
氏時曰王畿立而根本定方位設而等級明國野分而職理正官
職舉而綱目張民極之立軌大於此范氏南言曲禮三千一言以
蔽之曰毋不敬時謂經禮三百一言以蔽之曰為民極也節解鄭
氏曰或問周公之序六典也分職以下為舉之以為民極此特建
國之始未見其與於民也民何遽取則於此曰先王之教天下未
始有精粗本末之間也夫朝不混市野不踰國人不侵官后不敢
以奸王權侯不敢以僭國制六卿六教相屬而聽命於一尊以銷
其冒上亡等之心而寓其道德之意益孔子所謂無行而不與者
是以前民志慮不易視聽純一易自淳龐而從上之令此所以為
民極也疏曰周禮以邦國連言者據諸侯也單言邦單言國者多

據王國也。今不言均王國而言均邦國者。若言王國恐不兼諸侯。今言邦國則舉外以包內也。東萊呂氏曰。冢宰均邦國者是使貴賤小大各得其平。若商阿衡之謂也。天下本無事。須是識得易簡道理。能行其所無事。方盡得均平之職。不是要作聰明之謂也。愚按。偏言之則冢宰之帥其屬與五官之帥屬同義。六卿乃六官之綱也。若專言之則六官之各率其屬者。總屬之天官冢宰。此冢宰為大綱以統之。而各官之綱亦若為目也。綱以統綱亦目以統目。如六官正之下有丞。丞之下有貳。之類。皆同次一署以為之屬。又如地官之鄉老。送人送大夫。胥師。春官之太司樂。大胥。太師。太卜。夏官之軍將。大僕。秋官之大行人。其下之所屬皆如之。是為各官同署之屬。如天官之膳夫。醫師。酒正。官人。大府。內宰。九嬪。典婦功。地官之鼓人。牛人。載師。師氏。司市。司門。旅師。土訓。山虞。廩人之類。其下皆不同署而通為之屬。餘官亦然。是為各官別署之屬。凡此皆為小綱以統之。而目亦遂為綱也。周官一書。肇始之和布。歲時若三年之勾考。只是帥屬之義明而若綱在綱矣。為治者所宜盡心也。

天官冢宰序官。此治官之屬以下。乃序天官設官之數。故謂之序。故謂之序。職。蓋上文設官分職總叙其綱。而以下分叙其目也。冢宰官職放此。

治官之屬大宰卿一人小宰中大夫二人宰夫下大大四人上士

八人中士十有六人旅下士三十有二人府六人史十有二人胥

十有二人徒百有二十人

大宰之大音恭胥讀如語上聲凡官名序官音釋序職不更音釋並放此○不

解天官而更稱治官者承天官掌邦治而言又名家宰為大宰者對小宰而言也必名大小者大宰掌建治法正君身以正百官萬民故名大宰而為治官之長若小宰職專王宮其於大宰之職皆沃之而已故名小宰也又繼之宰夫者掌治朝之禁令以待吏民而考法故名宰夫矣卿即上大夫也卿六命下大夫皆四命上士三命中士再命下士一命大宰小宰宰夫之屬皆官卿大夫士皆爵不士治事繁故員倍中士而謂之族也下大夫以上皆有官有爵有職其上中下士惟有爵而無官與職六官中惟司馬之屬有與司馬上士行司馬中士之官職司寇之屬有卿士上士之官職而已其無官職者蓋其職即散見於其上之各職與府治藏者猶今之庫官史掌書者猶今之令史胥徒皆給役者猶今之隸卒胥有未知之稱乃徒之什長也冠以大宰即下文所謂建其正次以小宰所謂立其貳又次以宰夫所謂設其政上中下士所謂陳其殷府史胥徒所謂置其輔也各官職多別累而大宰與小宰宰

夫異官異職而同署者職相贊也丘氏曰自下士以上王所簡命皆爲王臣府史胥徒其官長得自辟召非王命也以上各條餘官並放此○節卿鄭氏曰古者官不必備惟其人周初三公召公爲太保周公爲太師而太傅無有焉周公歿而太師又無有焉蓋兼之也六卿亦多以三公兼之周公兼冢宰召公兼宗伯魯公兼司寇畢公毛公兼司馬司空惟成王之季年芮伯彤伯衛侯實專領司徒宗伯司寇而已大者猶兼况羣有司乎政周禮二卿公一人是三公兼卿老也一卿卿一人是六卿兼卿大夫也軍將皆命卿是六卿又兼軍將也六官以多少相乘除一官約五百人則六官凡三千人而其兼行權攝者蓋多矣府史胥徒蓋九職中閒民無常職者也以天官攷之計二千六百九人外舍人鬲人內豎等又六十四人女祝女史女酒女漿女爨女醢女醯女醢女羹等又一千一十六人凡三千六百八十九人地官除山虞川衡司園司門等不可攷者實計尙三千餘人以天官爲準通以三千六百八十九人爲額不限以兼攝則六官凡一萬九千八百人也疏曰按率夫八職云府掌官契以治藏史掌官書以贊治胥掌官叙以治叙徒掌官令以徵令府史大例皆府在史上史倍其府惟御史史百有三十人特多而史又在府上以其掌贊書數多也又有府兼有史者以其常職事煩或空有史而無府者以事少得史卽足也至角人羽人等直有府無史以當職文書少而稅物須藏也膳人食醫等府史俱

無者以專官行事更無所須也。周禮惟司尊彝之屬府特多於史以所藏物重故也。陳氏雜說曰：牛弘問周禮上多而府史少何也？劉炫答曰：古人委任責成，歲終考最，案不重校，文不煩悉。府史掌要目而已，今則不然。大小之官悉由吏部，纖介之迹皆屬考功。此府史多於古也。官制曰：大宰至旅下士凡六十三人，而府史胥徒止百五十人。五官亦然。古王所以省吏員者至矣。吏省則祿易給，吏有祿則人知自愛。漢猶取此意，雖告吏有斗食之秩，此也。自郡差變為履役，官事付之遊民，又從而奪其庸，是教之為好也。平仲王氏曰：成周之制，下士與庶人在官者同祿，官與吏無甚分也。西京去古未遠，蕭曹以刀筆吏為元勳，終西京之世，賢公卿亦多出胥史。其博士弟子明經者多補太子卒史，東漢流品漸分，然胡廣為郡徵吏，袁安世傳易學，為縣功曹，應奉讀書五行並下，而為郡決曹吏。王允徐舉皆從事功曹，無他，始有祿以養廉，而其後有以盡其用也。後世但抑其格，則不受重者十人而九，此亦為之長過也。

宮正上士二人，中士四人，下士八人，府二人，史四人，胥四人，徒四

十人。宮謂王宮也，正長也，掌王宮之禁令而為宿衛官之長，故名也。大宰諸官以下卽繼此者，邦始以修齊為本，宮禁其首重

也。○疏曰：序官之先後，以緩急，不以尊卑。故官正上士，兼天官為先，而內宰下大夫，兼天官為後也。

官伯中士二人，下士四人，府一人，史二人，胥二人，徒二十人。伯，猶主伯。

亞族之伯，亦長之意也。官伯，無僚屬而名伯者，凡王宮之士庶子，在版者皆屬焉。猶各官稱師之義也。○王氏曰：以分職言，官正掌百官府執事於王宮者之長，官伯掌士庶子宿衛於王宮者之長，以兼職言，則官正總王宮之戒令糾禁，官伯亦糾之也。莊梁魏氏曰：官正官伯相為長貳，先王燕居宮中，宦寺婦人皆不得在側，左右前後所與居者，惟士耳。

膳夫上士二人，中士四人，下士八人，府二人，史四人，胥十有二人。

徒百有二十人。物善曰：膳，掌王及后世子膳羞之屬，而為食官之長，故名膳夫。詩小雅云：仲允膳夫。在漢為少府是也。

以下十官，次官官之後者，飲食皆宰，修身之本也。○葉氏曰：書云：惟辟作威，惟辟作福，惟辟玉食。王食與威福並言，而天官膳夫之屬其辨物也，以時其用物也不妄，不徒口體之養，而以養其心，是以移氣修體耳。目聰明血氣和平，蓋諸職之有助於王，而享之大宰也。如此，西漢太官令，猶隸於少府，而掌於丞相御史東宮以奄主之，皆屬之光祿，渡江以後，又隸之侍中，唐則隸之內侍省，而

大臣皆無政令於其間矣。平仲王氏曰：餽者謂王莽之叔、河梁冀之妻，俱皆因飲食以肆大惡，使周公之法行而無是禍也。按：周公之法，士為膳，夫諸官家宰統之，而後世因飲食肆惡者，即出於大。臣安在士為之而遂絕惡萌乎？蓋六官得人而後全其為家宰，家宰得人而後全其為君，書云：知人則哲，惟帝其難之。勞於求賢，逸於得人。此周禮不言之微意也。

庖人：中士四人，下士八人，府二人，史四人，賈八人，胥四人，徒四十

人。賈音古，各序官之賈同。○庖之言苞也。裹肉曰也，藉肉曰苴，掌供厭飫之名物，以供膳羞之屬，故名。庖人獨置賈者，欲知市價也。凡諸官設賈者，並放此。

內饗：中士四人，下士八人，府二人，史四人，胥十人，徒百人。饗和也。

食曰饗，名內饗者，掌供王及后世子膳羞之屬，及內祭祀凡用之在內者，故名也。

外饗：中士四人，下士八人，府二人，史四人，胥十人，徒百人。名外饗者，掌供

外祭祀饗食及凡用之在外者，故名也。

亨人下士四人府一人史二人胥五人徒五十人

亨烹同○名烹人者掌供內外

賽亨飪之事故名也○莊梁魏氏曰今之厨役也古乃以士司之事外無道道外無事也後世士多清談凡日用之事委為賤役事道判矣讀周禮者以此類求之

甸師下士二人府一人史二人胥三十人徒三百人

甸地在遠郊百里之外為

公邑之田而天子供養盛之籍田亦在焉故立官掌治而謂之甸師甸師無僚屬而以教率其徒役故以師名凡無僚屬而名師者放此徒三百人者籍田千畝耕徒資多也膳夫以下五官列署於內此以下五官列署於外皆主以水陸死生蠱蠱之物入於庖養之屬而甸師以下士列各中士之前者蓋養盛為重與○葉氏曰甸師掌王籍者也而列於食官豈以其帥徒役內外饗而列此耶非也先王設飲食之官雖供王膳實崇祀事甸師而上有膳庖養亨之官下有獸獸膳之官一食且祭其先一物不忘其本而况養盛之奉耶以甸師列於食官不忘孝也

獸人中士四人下士八人府二人史四人胥四人徒四十人

田賦

以供祭享膳羞之屬故名也

廩人 中士二人 下士四人 府二人 史四人 胥三十人 徒三百人

同○掌以時漁而供祭享膳羞之屬故名也 徒亦如甸師三百人者 馬氏謂取魚處多也

甸人 下士四人 府二人 史二人 徒十有六人

三職府史數同者其文書不繁於收藏也 徒無胥者徒自爲之而已 後凡府史同數及有徒無胥者並放此 ○舒氏曰吳氏以甸師

屬宗伯俞氏以獸人以下三官屬司空 天子耕籍以帥先天下治本也 豈可因耕籍以供樂盛且爲春時之事遂屬之春官哉 獸

人等皆供內外饗膳羞類有所聯不可他屬也

膳人 下士四人 府二人 史二人 徒二十人

膳音背○乾肉曰膳也 掌凡乾肉之事以供祭享之屬故名也 膳之言背也 借曝今乃乾

醫師 上士二人 下士四人 府二人 史二人 徒二十人

諸醫官大此者有安養則

有疾病故慎之也名醫
師者掌凡醫之政令也

食醫中士二人

名食醫者鄭氏謂食有和齊藥之類也諸醫官列

醫而已故無也凡職卑無役者放此○王氏曰易之願君子以節
飲食疾本於氣體之不和始於飲食之不節無事之時順適有道
疾何自至哉此食醫所以設也柯氏曰善理身者未病而調節立
食醫以奉王而不敢言疾以致尊養之義也舒氏曰素問言不治
已病治未
病是也

疾醫中士八人

掌養萬民之疾病故民也於王稱食醫而已於民
直稱疾醫別上下也○三禮辨曰本職凡民之有

疾病者分而治之則疾醫非一科也然僅有士八人豈治止邦內
而鄉遂都鄙有不及與愚按治即邦內八人亦不給也蓋聖王之
時宇宙大和鮮大災沴其以危困入諸於醫府者百無一二耳醫
師謂凡邦之疾者瘍者造焉則使分而治之蓋不造者不煩國醫
也然則八人
不亦可乎

瘍醫下士八人

掌腫瘍以以下諸瘍故名謂之頭有創則沐身有
瘍則浴雖說謂疾醫治內證瘍醫治外證是也

獸醫下士四人

獸謂畜也爾雅兩足而羽名禽四足而毛名獸故牛馬亦有獸稱而醫之者名其官也○舒氏曰獸

醫與醫師本以醫從而俞氏謂獸醫屬司空何哉況人無天札物無疵癘尤君相之責非五官所能盡也

酒正中士四人

下士八人

府二人

史八人

胥八人

掌酒

今故名酒正而爲其下八官之長也次北於膳食之後者酒醴通豆皆以行禮非徒以爲食也以交神明以洽賓客禮之大也

酒人奄十人

女酒三十人

奚三百人故名酒人奄今之宦寺也役

爲女奚故官以奄無說謂天官一屬凡奄奚皆在官執事者是也女役無府史者酒漿二者蓋酒正之府史統之若遷醢以下雖無府史其女簪女醢之屬則繁矣地官春人饌人聚人放此女酒女漿爲奚之長猶胥爲徒之長也酒漿役多於遷醢以下而酒尤多者事較煩也○明肅王氏曰天官酒漿簪醢醢及地官春饌葉綖諸女工主給中饋奉饗盛綖衣裳皆宮內細密之事而天官又有女祝女史主贊后夫人禮事春官守祿又有女祝主守藏衣服皆非士人所得與故設官並冠以女皆擇民間女子善其事者克之其次者爲奚用以供役大約皆如庶人在官之徒內宰所云分其人民以居之者此也而舊乃以女奚等爲女奴夫婦人犯罪爲

奴婦辭常居七八士師聽於勝國之社雖問開尙不使聞豈可使
之入禁中近嬪婦之屬哉秋官司屬云其奴男子入於罪隸女子
入於春羹則他職蓋未嘗與况執禮事而爲酒漿至視史之役乎
禁暴氏云奚隸聚而出入者則司牧之女奚得有出入而禁暴氏
司牧之則其非幽閉之奴明矣且春羹煩勞故使女奴執役而以
女春女羹及奚五人爲之統理若傳事精潔卽非女奴所得與故
設有奚四十人也使必以奚爲女奴則豈春事之煩而五人能盡
之諸事較簡而反多臣四十人耶愚按王氏之說亦疑矣但司屬
之奴本謂從坐之男女奴初非婦婢幽閉之婦且禁暴氏奚與隸並
稱正與司屬女奴男奴之所入者相合不得謂司隸之男女爲因
閉而禁暴之奚隸獨司牧也今求之以義蓋奚乃婦之賤者之稱
凡女子沒入春羹而禁暴氏亦通稱爲奚者此散文其春人羹人
職女與民奚皆執役而女奴沒其女獨民婦稱奚者此正文也女
奴沒其文者役賤且互見司屬職也如此庶司隸禁暴氏之職皆
融而王氏之說亦可通與

漿人奄五人女漿十有五人奚百有五十人

掌供王之六飲及凡飲之用故名也亞於

酒故役半於酒人

凌人下士二人府二人史二人胥八人徒八十人凌冰室也掌藏冰於冰室故名

詩二之日鑿冰冲冲三之日納於凌陰春秋傳古者日在北陸而藏冰西陸朝覲而出之是也凌人不用奄者以役非女奚也

籩人奄一人女籩十人奚二十人掌籩故名籩人此以下女邊女

者邊醢之勳事省而緒繁其用智者宜多矣

醢人奄一人女醢二十人奚四十人醢肉醬也有骨為醢無骨為醢掌醢故名醢人也下三職

之役稍多於凌人冢人者其物並須治為之故也註曰醢豆實也不謂之豆者豆不盡醢也說曰天子豆百二十上公四十侯伯三

十二子男二十四上大夫二十下大夫十六其實兼有醢醢炙肺之屬今醢人惟掌四豆之屬而已故不名豆人也

醢人奄二人女醢二十人奚四十人醢醢也掌醢故名醢人

鹽人奄二人女鹽二十人奚四十人掌鹽故名鹽人

冢人奄一人女冢十人奚二十人冢音覓○掌以巾冢覆飲食故名冢人

宮人中士四人下士八人府二人史四人胥八人徒八十人掌王宮六

寢之修之屬者故名宮人而為以下四官之長也對文宮寢各官散文寢亦名宮矣官次義見膳夫○王氏曰寢中之事後世皆屬

之官寺而周公以屬士人欲其盡承弼啓沃之功而無違迎消餽之禍也漢猶近古孔光以名士執唾壺侍中後世宮人之職亡矣

掌舍下士四人府二人史四人徒四十人掌王會同宮舍之屬者故名也以下三官皆不

用胥未詳豈野地視宮中為簡易與

幕人下士一人府二人史二人徒四十人幕音莫○掌朝會之類帷幕帷帝之事故名也

掌次下士四人府四人史二人徒八十人居曰舍止曰次掌朝會之類王次之法以待張

事故名也掌次府與徒皆倍幕人者事煩也

大府下大夫二人上士四人下士八人府四人史八人賈十有六

人胥八人徒八十人大府之大音泰○名大府且爵以下大夫者案掌制國用此為治廢官之長非諸長比也

次此者冢宰掌邦治爲大而制國用爲要也用賈者以知物美惡價貴賤也○周禮菁華曰大府總凡貨賄之入而頒之諸府以供邦用又以司會總其會計書總其書職內以量入職歲以稽出職幣以振幣餘其慎如此而皆隸於冢宰以制國用冢宰以道佐人主皆有定式頒之茲成周常有三十年之通而民無凶荒水旱之患也

玉府上士二人中士四人府二人史二人工八人賈八人胥四人

徒四十有八人掌王之金玉玩好兵器凡良貨賄之藏而名玉府者玉爲重也設賈且設工者將察治之也胥四人而徒過乎什長之數者職繁也後凡設工及徒不止十倍於胥者雖放此

內府中士二人府一人史二人徒十人掌凡九貢九賦九功之貨賄良兵良器之藏以待邦

之大用而名內府者府在內也○李氏曰玉府內府掌玉器用財賄燕私之物及受貢獻以備賞賜此帑藏之在宮中者而周禮列於大府之下司會司書之政行焉川安得不節財安有不理若以御府禁錢捐之私人省闕之中法制所不行校比所不及傷財害民寧有紀極漢湯沐邑爲私未養不領於經費豈帝西國萬金聚爲私藏皆衰亂之俗非先王之法也

外府中士二人府一人史二人徒十人掌凡邦布之出入以待邦之小用而名外府者府在

外也

司會中大夫二人下大夫四人上士八人中士十有六人府四人

史八人胥五人徒五十人會音怪○名司會者會之言計日計曰成月計曰要歲計曰會是也財以計為

重故官次大府之下而爵更尊與○雜說曰理財之職凡府藏之事大府下大夫為之長至會計又別立司會中大夫為長其權足

以檢括先王措意其遠後世會計皆司農之屬官非先王意矣

司書上士二人中士四人府二人史四人徒八人書簿書也掌會計之簿書故名

也

臧內上士二人中士四人府四人史四人徒二十人內納同○掌邦之賦入之

數者故名也

職歲上士四人中士八人府四人史八人徒二十人

掌邦之歲出之數者故名

也潘溪鄧氏曰職歲制國川以歲為斷也○王氏曰職內司入職歲司出各有司則專職內以人攷其出職歲以出攷其入互相攷則取職入有時事省故官吏稍少職出無時事繁故官吏稍多也

職幣上士二人中士四人府二人史四人胥四人胥二人徒二十

人掌財幣所餘之數者故名也內外府及司書職內職人歲徒少不設胥此設胥并設胥者事繁且攷辨物也

司裘中士二人下士四人府二人史四人徒四十人

掌供王裘及凡皮事而名

司裘者亦從重也○俞氏曰司裘并後典絲典桌染人追師屨人六官皆冬官之屬也國蒙舒氏曰蒙掌掌治典求之王身道德固其本而飲食之節衣服之制皆關心術之微凡所以輔養交修而使之表裏粹然者也又何疑諸官之屬在天官哉

掌皮下士四人府二人史四人徒四十人

掌獻皮韋故名此職飲於始而司裘成於終也

內宰下大夫二人上士四人中士八人府四人史八人胥八人徒

八十人

名內宰者掌宮禁之事爲內官之長故也次此者大宰治外內宰治內天下之大本也太宰不稱外者兼統內也○

王氏曰王有太宰而后謂之內宰王有司服而后謂之內司服王有小臣而后謂之內小臣見后之不預外也鄭氏曰天子理陽道后治陰德風化並行故贊治之官皆曰宰內宰下大夫二人命士十二人凡內小臣以下各奄官九嬪以下各內官典婦功以下各掌內之官皆屬焉而並隸於大宰者女寵近習所以移人君之德者尤深大臣總之使無敢踰節也皇父作相膳夫內史皆不得其人晉侯近女而惑疾醫和以爲趙孟之過古人使君之化其道如此雜說曰宮中官有官正官伯宿衛之官今之環衛是也內官人掌王寢灋帶次舍之事今之修內司是也至內宰凡宮中之奄豎與諸嬪御者皆在所統今之內侍省都知是也

內小臣奄上士四人史二人徒八人

亦掌宮禁之事而亞於內宰故名也用奄者其次居帷

之內也亦稱士者賢也無府者無藏非其主也後凡有吏無官者放此○何氏曰奄人爲之而序官以爲上士必其有忠信之心無險諛之行故使食上士之祿而用之也李氏曰先王不以恩掩善雖近褻無得過寵奄附士止內小臣四人況可卿大夫乎何氏曰周禮餘奄皆不命也惟內小臣上士四人而已蓋古者奄皆刑人先王不枉其才擇其有謹信端厚可受爵者以掌王后命令贊

事非如後世著青紫者千人皆無故自刑也夫極治之世無他人主親端人正士不使刑人在側而已成周內小臣關寺之職其職卑其數寡上不得以私昵下不得以非干侍御僕從罔非正人周衰如勃鞞立公子無虧則與廢立又如穆賢薦舍人蕭相如則與廢舉矣侍勢怙寵如此漢唐之間尚忍事哉永嘉陳氏曰成周盛時內小臣之屬悉統於冢宰西漢制猶近有三公總九卿而少府之官凡內臣皆屬焉當時內臣參選明經之士咸拜議郎更宿王宮以備顧問如楊雄之位執戟孔安國之掌璽豈是也故佞幸如郭舉一有細過中屠嘉得召斬之蓋權有所統如此東漢則不然議郎不在宿直中常侍盡宦者爲之卒至莽奄用事孫曹專廢立此無異故三公擁虛位而宦者專權莫之制也

閤人王宮每門四人周游亦如之

掌宮門之啓閉故名註以爲墨者使守門也周游謂御苑也無

役者職賤故也○疏曰周禮有同官別職者如王宮周游同名開人及山澤同名虞川林同名衡是也別官同職者惟官聯耳但律原亂曰別禮閤人掌守王宮中門若周游之禁寺人掌王宮之內人及女宮之戒命而已自漢武帝數宴後庭潛游離館奏請校事多以宦官主之則預政之機以啓亂是以生也愚按舊註引白虎通稱天子周游百里大國四十里次國三十里小國二十里其考

大如此竊謂天官關人職止稱圖游亦如之後不更詳其職而地
官序固人職亦畧而有制則聖王之不盤於田遊可見而白虎通
之妄不
待辨矣

寺人王之正內五人

寺之言侍也正內路寢也掌侍於王之路寢

言奄者省文也○明齊王氏曰寺人侍王路寢而考序職乃掌王
之內人及女宮之戒令餘則佐世婦禮事掌內人之禁令及佐內
人弔臨於外而已故知所謂侍者非以執役於王蓋居王所以正
其宮人而宮中纖貳無不上聞此周之內治所以嚴且密也雜說
曰幽王之時寺人傷於讒作巷伯之誅寺人內臣也後世多賊忠
良招權勢今反惡讒如此至欲殺界豺虎豈不賢哉古之內臣剛
正能守法者雖當亂世
猶惡無禮況成周時乎

內豎倍寺人之數

宋冠曰豎以上職推之此蓋散於后宮之屬而

於王宮故各無官府徒役也○平仲王氏曰先王之制後失其意
而為禍烈者莫若宦官嘗攷周家合內小臣內豎寺人之數不過
十九人耳後世衣朱紫者輒數千何也且此十九人者不過給將
令灑掃而已後則則以錢穀至將相之權無不拱手委之至於世

臣可疑重臣可疑凡諫臣羣臣無不可疑而腐熏之人則無疑又何也卒之覆國亡家後之視今亦猶今之視昔悲夫觀范宋二史傳可爲殷鑒矣

九嬪此卽昏義所謂九嬪名九嬪者嬪之言賓也其職掌牧婦學我者此也自此至女御皆不言徒役惟祝史則有之者王之嬪御與内外官異故雖掌禮職以教宮中而內宰爲宜理之也豈若率役居署以治之者哉

世婦此卽昏義所謂二十七世婦也名世婦者婦之言順也其職掌宗廟祀賓喪紀之禮以修婦道有順事之義也何氏曰天官春官皆有世婦天官之世婦與九嬪九御爲列天子之嬪妃也若春官世婦專掌后宮之禮上自王后下至内外宗皆其所教乃女官設府於內有尚德者爲之所謂女傅是也天官內宰自外而治內春官世婦自內而達外法制乃備觀春官世婦其屬有府史與矣而内外宗次之其職異於天官世婦可知矣後儒合之非也

女御此卽昏義所謂八十一御妻也名女御者御之言侍掌序御王之燕寢有侍奉之義也○註曰內官獨不列三夫人者三

夫人於后猶三公於王坐而論婦禮無官職也明齊王氏曰傳云古者天子立后一娶十二女后與三夫人各膳其姪若婦合之爲十二今言九嬪不言三夫人自世婦以下皆不言其數者以例推之六官唯有六卿三公不必備唯其人則后之六官當有六嬪而三夫人蓋或攝位如六卿之兼三公也所謂十二女者長者先行幼者待年於國不必一時皆備且君子不苟於色世婦女與有婦德者克之無則闕豈拘拘於二十七八十一之數哉愚按向書周官篇立大師大傅大保惟三公而周禮官職皆不載者周禮明六官之職故不及三公也記皆義篇天子立六官三公九卿二十七大夫八十一元士以聽天下之外治故天下外和而國理后立六宮三夫人九嬪二十七世婦八十一御妻以聽天下之內治故天下內和而家理今嬪以上不言三大夫猶卿以上不言三公之意也然官職雖不言而地官序鄉老云二鄉則公一人此三公之官之散見也鄉大夫職云鄉老及鄉大夫獻賢能之書秋官鄉士職云三公會其期又云三公有邦事此三公之職之散見也天官樂人職云夫人致飲於賓客此又三夫人之職之散見者其尙書云三公論道經邦燮理陰陽而冬官云夫人以勞諸侯則則禮以外其職亦可見矣是謂公與夫人職要可也謂無職不可也況三公而外少師少傅少保惟三孤併六卿爲九卿而內官序官序職皆云九嬪則六嬪猶六卿而其上三嬪猶三孤亦不當載三孤之官

也乃謂三公三夫人無官職而不祿又或謂官不備故職不祿也豈其然與

女祝四人奚八人

掌王后凡內祭薦之事者故名王氏謂王有大祝小祝后亦有女祝也○吳氏曰此官合麗禮

官禮之所當祀天地宗廟社稷山川及羣小祀而已合此則諸也泰皆天子主之於外后特供饗豆耳豈復於宮中自爲之哉且文帝尚除秘祝先王時豈有此乎舒氏曰先王敬鬼神以明民雖詛祝不廢况除殃報福若鄭氏所謂戶寵者可謂后宮無此祝耶吳氏議之非也

女史八人奚十有六人

其職與王之大史掌禮畧同故名也二職無稱而有奚役者利氏謂女御有才藝者

遂任之也○劉氏曰女史八人掌王后之禮職內治之政以詔后治內政則非有道藝而知禮者不可爲也鄭氏止以爲女奴曉書者失矣

典婦功中士二人下士四人府二人史四人工四人賈四人徒二

十人典猶司也掌司宮中婦功而爲婦功官之長故名役有工若賈者以辨絲枲美惡貴賤也以下諸職次此者男服事於外

女服事於內。絲枲皆以給婦功。染人佐之。縫人成之。而內司服司之也。追衽二職皆司服之意。夏采乃染人之事。而其職則亦司服之意。與服先於縫。縫先於染者。重成事也。終於夏采者。慎終也。○雜說曰。典婦功以下諸官。多用士人者。先儒謂人主者儉所係故也。

典絲下士二人。府二人。史二人。賈四人。徒十有二人。

掌絲故名。

典枲下士二人。府二人。史二人。徒二十人。

掌枲故名。

內司服奄一人。女御二人。奚八人。

掌后以下之服。故對春官司服。而以內名。御之言侍。謂以衣服。

侍御也。二職有女御與奚。故不用士而用奄也。○疏曰。此女酒女漿之類。乃女奴曉進御衣服者也。以衣服進。或當於王。故廣其禮。得與八十一御妻同名。欲見王合御幸。使無滯色之過也。愚按。疏說乃本註而言。然義則舛也。世婦至女御。有德者克之。無則闕此。所謂君子不苟於色也。若以其侍御而為此附會。不幾逢君之惡者哉。此豈八十一女御之亞。可為女御而未命者。與其體尊。非奄官所能統也。但宣理之而已。故內司服縫人二奄。皆有女御而縫人之奄。反為女御役。則女御初非其屬。而其非女奴益明矣。

縫人奄二人女御八人女工八十人奚三十人掌王宮縫線之事者故名也女之巧者縫事須巧者為之故女工較多於奚也

染人下士二人府二人史二人徒二十人主染絲若帛者故名也

追師下士二人府一人史二人工二人徒四人追音堆○治玉石是也掌治玉為后首飾故名止二工者不務飾之意也

屨人下士二人府一人史一人工八人徒四人主治屨者故名也首也屨則王及后皆屨人治之而已

夏采下士四人史一人徒四人夏戶雅反○名夏采未詳註曰夏翟有虞氏以為綬而注於旂干之首後世或染鳥羽象而用焉謂之夏采也王氏曰其職掌以冕服復於太廟以乘車建綬復於四郊而名夏采者采色所以事生之道也哀素者事死之道復以幸其生也按一說王氏義為足不設府者無所藏故也大在職末者

疏謂喪事是終也

天官冢宰序職上

此以下序天官分職之事也以卷帙繁分爲上下餘官放此

大宰之職掌建邦之六典以佐王治邦國一曰治典以經邦國以治官府以紀萬民二曰教典以安邦國以教官府以擾萬民三曰禮典以和邦國以統百官以諧萬民四曰政典以平邦國以正百官以均萬民五曰刑典以詰邦國以刑百官以糾萬民六曰事典以富邦國以任百官以生萬民

此首序大宰卿一人之職也典常也六官之政乃治天下之常法也

建立也冢宰掌治典而六典無不統故皆掌建之也邦國兼王畿侯國而言官所居曰府民之數有萬以經以治以紀者以治典總而經之釐而治之理而紀之也教典地官司徒之典安寧教導擢馴也禮典春官宗伯之典和康統率諧調也政典夏官司馬之典平治正整均平也刑典秋官司寇之典詰察刑肅糾敏也事典冬官司司空之典百足任使生養也此首舉大宰職之綱而全書六官

之綱舉不外此學者所宜深玩也。○王氏曰：天官自官正而下止言官名，獨於前三官言職者，人宰正也，小宰貳也，宰夫攷也，其職待尊，故言職以別之。五官皆然，東萊呂氏曰：周禮一書綱目盡在六典，六卿率屬以倡九牧，阜成兆民，為治體統本末具舉，然冢宰相天子，統百官司徒以下無非所統，乃併數為六卿，何也？孔氏與六子並列於八卦，冢宰與諸卿並居於六卿一也。莊渠魏氏曰：先王以道治天下，定為萬世常經，是曰六典，大宰偏言則一職專言，則包六職，故六典皆大宰所掌也。後世專務法而六典亡矣，愚按各三句，邦國萬民相為首尾，而官府居其中，如經紀也，安擾也，和諧也，平均也，詰糾也，富生也，皆二字相連起義，而官府則曰以治以教，以統以正，以刑以任，其凜然之意有獨溢於言外者，先王設官分職之意嚴矣哉。以八法治官府：一曰

官屬以舉邦治，二曰官職以辨邦治，三曰官聯以會邦治，四曰官

常以聽邦治，五曰官成以經邦治，六曰官法以正邦治，七曰官刑

以糾邦治，八曰官計以弊邦治。

此即八法以明上文治官府之事也。官屬謂同官之僚屬，舉行也。官

職謂本官之職掌，辨明也。官聯謂同官及別官之聯合會通也。不易之謂官常，察也。無闕之謂官成，經理也。不忒之謂官法，正也。蓄

也官刑卽五刑之官刑糾約也官註乃三年之大計弊斷也此與小宰六屬舉邦治以下相表裏但彼闕官常一條而官刑則見司冠職耳○王氏曰常謂故常也六官聯事皆乘時立事因機制宜而已官常則昔所嘗行者今列爲常書云以典常作之師是也

以八則治都鄙一曰祭祀以馭其神二曰法則以馭其官三曰廢置以馭其吏四曰祿位以馭其士五曰賦貢以馭其用六曰禮俗以馭其民七曰刑賞以馭其威八曰田役以馭其衆

此又卽八則之治都鄙以

明上文經邦國之意也則猶法也法字意較闕人則字意較親切一云詳曰法畧曰則也都鄙詳考全經通采邑及凡公邑而言舊單指采地者殆未盡矣馭猶馬之在馭使無僻差也祭祀者宮廟殯殮之奉神謂內神若外神也法則者兵農錢穀之司官謂分臣若家臣也有罪則廢有行則置吏謂胥隸也養則以祿叙則以位士謂俊造也馭用者量賦下與貢上爲出入馭民者通禮教與風俗相轉移馭威者勸懲以威民馭衆者簡閱以任衆○陳氏曰先王建都鄙以爲畿內公鄆大夫及王子弟之采地大者百里其次七十里其下五十里其家不出王城而都鄙在三百里外此猶民之屬里在國而受田在鄉也莊渠魏氏曰先王建都邑以封公卿

大夫在王朝則臣道也以八法治之在封邑則君道也以八則治之
之法者從上之令而下不自專也則者受節於上而下得自專也
葉氏曰古者敬於神而未嘗聽於人三時不害而時和年豐則奉
桑奉牲以告有功無不報也然而旱乾水溢則變置社稷無功無
不奪也是以春官都家宗人凡祭祀必致福於國國有人故令麟
祠必反命於國蓋其神皆王所馭也邕山楊氏曰自都論秀士升
於司徒自司徒升於學爲造士大司樂論造士之秀者升之司徒
爲進士士蓋未有祿位也司馬論定官材論定然後官任官然後
爵位定然後祿故曰以祿位馭之大宰歲終令百官正其治受其
會聽其致事而詔王廢置三年大計吏治而誅賞則吏職與士異
故曰以廢置馭之楊山魏氏曰賦以其地所出獻於王也凡三等
采地所出之物及兵賦之屬盡謂之賦賦通人力所出貢止是地
所產而已邕山楊氏曰五方之民皆有性也其安居和味宜服利
用備器不可推移先王修禮以節其性因之以達其志通之欲爲
之節文道之使成俗也是賦之故無殊俗離而二之則非矣愚
按都鄙舊謂指采邑此傳也然崇傳不若尊經夫全經所謂都鄙
者都謂都家鄙謂縣鄙也宰夫云掌治法以攷百官府羣都縣鄙
之治夏官司士云周知邦國都家縣鄙之數析言之爲都家縣鄙
約言之爲都鄙其通指采邑及公邑亦明矣且以王畿全地考之
自國而郊而甸而稍而縣而監詳分爲六者大宰及載師諸職也

自國而郊而野而都約分爲四者質人鄉士遂士縣士方士朝士
諸職也自國而郊而都鄙又約分爲三者小司徒泉府諸職也凡
此國卽鄉也郊卽遂也甸若野卽凡縣鄙之公邑也都卽稍縣邑
之邑都也故各職文不同而義同也其不及國鄉與郊遂而以官
府縣鄙都家約分爲四或爲三者宰夫太府職內職歲諸職也祇
以都鄙與邦國爲對文者大司徒司士職方氏諸職也凡此都鄙
皆謂都家縣鄙而國鄉與郊遂包於縣鄙中也歷考全經所言王
畿之地域都鄙之非專指采邑更明矣且使都鄙止言采邑則經
文所言縣鄙皆無屬而凡大宰載師之言甸質人朝士之言野縣
士之言縣亦皆爲贅文是王畿中之地域民人貢稅兵賦直半舉
而半廢也其誤可勝言哉學者幸體之

以八柄詔王馭羣臣一曰爵以馭其貴二曰

祿以馭其富三曰予以馭其幸四曰置以馭其行五曰生以馭其

福六曰奪以馭其貧七曰廢以馭其罪八曰誅以馭其過

作柄音

義同予上聲○此又卽八柄之馭羣臣以明治官府之事也詔告
也柄猶權也必告諸王者自天子出之義也有爵則聖乃降故曰
馭貴有祿則庶可養故曰馭富予者加恩於爵祿之外故曰馭幸
置者保德於祿位之餘故曰馭行生以馭福者八議之設是也得

生卽爲福奪以取貧者三穢之施是也失祿卽必貧廢以取罪罪
輕則放於野誅以取過過重則戮其身○賈氏曰五以上皆是善
則大善在前小善在後六以下皆是惡則小惡在前大惡在後
川王氏曰誅卽殺也誅言其意殺言其事也知大宰誅爲數者以
內史知之大宰先賞後刑於賞先重而後輕於刑先輕而後重勸
賞畏威之意也內史則賞刑雜而不叙後先者主以法守而不與
道揆之意也鶴山魏氏曰八則八柄凡言取者十有六其當通作
一義康成以殿而納於善訓取字不知祭祀如何殿神納善竊意
當訓爲品節而歸於範之意則取字可盡通矣又以漢制沒入家
財爲奪以取其貧尤害義理三代安得有沒臣家財之法哉誤解
經文或謂後世窮使其臣其禍實烈也愚按爵祿二條以外以予
奪廢置生殺相對首二條爲經下六條爲緯也誅卽殺也然內史
自言殺太宰詔王弟言誅者內史執法者以八統詔王取萬民一
也詔王則隱然示以刑不上大夫之意矣以八統詔王取萬民一
曰親親二曰敬故三曰進賢四曰使能五曰保庸六曰尊貴七曰
達吏八曰禮賓此又卽八統之詔王以明上文紀萬民之事也統
猶率也謂王躬行於上不治民而民治如率之者
然也親親睦九族也敬故重故傳也進賢用有德者使能任有才
者保庸安有功者尊貴崇有爵者達吏謂達其列職於下者禮賓

謂禮其作實於國者。○臨川王氏曰：取以八統，則民莫違其親，莫慢其故，知德當務，知能當勉，且知功實不可害，爵命不可陵，壘散必以通交際，必以禮次。梁氏曰：統猶綱也。馭羣臣者，執其權，故云柄馭萬民者，舉其綱。故云：統維，說曰：八統亦皆詔王者賞罰誅廢，既非臣下得專，而親親以下亦當自王躬行以化人也。易云：陰雖有美，舍之以從王事。禮云：雖有庇民之大德，不敢懷君民之心。書云：無有作福作威其義一也。愚按：大宰職始以百官羣臣之屬而繼以萬民者，大臣之道正朝廷以正百官，正百官以正萬民，此其次也。又繼之九職九賦九貢九式，蓋人土財以九職任萬民，一曰用相為始終而親賢樂利相為表裏之義。

三農生九穀，二曰圉圃毓草木，三曰虞衡作山澤之材，四曰藪牧

養蕃鳥獸，五曰百工飭化八材，六曰商賈阜通貨賄，七曰嬖婦化

治絲枲，八曰臣妾聚斂疏材，九曰閒民無常職，轉移執事。賈音古，斂去聲。

○此以下特明冢宰制國用之道而經邦治官府紀萬民皆在其中也。三農謂原若隰若平地之農，國數牧皆指其民虞為主，山澤之官此亦以目山澤之民也。居貨曰商，行貨曰賈，嬖有夫者婦有姑者，臣妾為人役者，閒民無事業者，生種也。九穀註謂黍稷

稻粱麻苽麥大小豆也。餼者順而養之也。作猶致也。養而蕃盛也。飭致力政治也。化因形移易也。八材計謂木草材象金石珠玉也。阜通者阜而使通。化治者化而後治。聚斂猶言蓄積疏財謂相疏可食用之物。轉移執事。備雇爲工作也。三農至謂民皆民。生九穀至轉移執事皆職。此首言生之有道也。○明道程子曰。古者四民各有常職而農居十之八九。故衣食易足而民無困。後世游民多矣。觀其窮促辛苦。變作巧詐。以自求生而常不足。以生非聖人變而通之。何以免患耶。東萊呂氏曰。民事不可緩而鳥獸草木亦豈可謂微而忽之哉。聖人爲天地萬物之主。有一物不得其所。則以爲職之不盡。舜典疇若予上下鳥獸草木。此聖人參天地贊化育也。節鄭氏曰。先王與民爲生。後世則民自爲生。今或無以生矣。周井田家私百畝。使相生相養。如是足矣。猶以爲未也。於是九職領焉。雖臣妾閒民皆不敢遺。當是時。豈復有農一以九賦斂財賄而食者六。工一而用者六。賈一而資者六之患乎。以九賦斂財賄。

一曰邦中之賦。二曰四郊之賦。三曰邦甸之賦。四曰家削之賦。五

曰邦縣之賦。六曰邦都之賦。七曰關市之賦。八曰山澤之賦。九曰

幣餘之賦。

制稍去聲。○賦之財賄通金幣而言也。上條九賦固有閭師所徵之八貢矣。此云九賦諸蓋八貢爲經賦而九

賦乃雜賦與故不止貢物而廣言財賄也邦中至邦都六者之地
 自近而遠其賦並數於民關市山澤二者則六地中皆有之其賦
 不止斂於民而又有幣餘者前八條皆斂在下未入之財賄此乃
 斂在官已出之財賄也此次言取之以制也○疏曰一邦中謂國
 中之地其民所出泉賦也二四郊三邦甸謂一百里之郊地二百
 里之甸地其民所出泉賦也四家削五邦縣六邦都謂三百里內
 之削地有大夫之家邑四百里內之縣地有卿之小都五百里內
 之置地有公之大都而其餘皆爲公邑明三等采邑出泉賦於公
 鄭大夫而三等公邑則出泉賦於王也蓋揭采邑表公邑也明齊
 王氏曰口率出泉前賈序賣官物倍令出算此皆漢以後事註以
 口率出泉解九賦謬矣而以商賈倍算解其中謂市山澤幣餘之
 三者尤謬也集說王氏曰幣餘之賦乃職幣歛邦國都鄙與凡用
 邦財者之幣振掌事者之餘財是也餘財邦物而謂之賦者既已
 給之又振之以歸於國故亦云賦也然按舊註之說諸儒議之者
 非一大都以後世頭會箕歛之苛政非先王所宜有且貢而又賦
 則將什而征二也然口率出泉之屬其解固非而唐氏不考其本
 末乃謂九賦出於九職九職輸爲九賦而欲以九職之貢與九賦
 之財賄合而爲一也則亦率矣歟大府職既言九賦以待九式而
 又言萬民九職之貢以克府庫其爲兩項甚明而司會職言九賦
 令用野之財用九職令民職之財用內府司書諸職並言之者非

一則二者又豈有合而爲一之理耶然則所謂九賦者何也今以全經各征斂之官考之九賦與九職固一而二亦二而一者也自其一而二者以言則九職中農圃工商牧績虞衡八者自有闕師之八貢其所貢皆本色今見於闕師縣師遂人遺人委人專人以迄角人羽人掌葛掌染草掌炭掌鬻之屬固可考矣而九賦則皆雜賦也若自其二而一者以言則八貢不及臣妾閒民而臣妾之疏材猶畧見於委人職其閒民無職者在闕師則有夫布在載師則有夫家之征而又有田不耕者之屋粟宅不毛者之夫征此皆各隨其地以入於九賦中者也而二師之外又有旅師之錫粟又有肆長之總市廛人之五布質人犯禁之舉司市命夫命婦之計泉府國服之息司關征麗舉貨之屬皆當入於九賦至國圖數牧虞衡其任於民者固歸於闕師之貢而其官爲守禁如場人國人爲國之場圃山虞澤虞川衡林衡非人爲國之山澤川林之屬其當爲九賦而不爲九職也又明矣凡此合之職幣九賦九職分合源流之瞭然者如此而可不審而忽之乎然則註所引鄉大夫登衆寡而皆征之者非與曰此所謂力役之征非口率出泉之謂也考王畿中其地遠而不盡供力役者則財賦稍重載師國郊甸稍率出泉曾聖人而爲之哉周官往復交貫要須得其意以通之以則不至失聖人之大經大法而疑誤於天下後世矣學者詳之以

九式均節財用。一曰祭祀之式。二曰賓客之式。三曰喪荒之式。四曰羞服之式。五曰工事之式。六曰幣帛之式。七曰芻秣之式。八曰

匪頒之式。九曰好用之式。

匪音分。好去聲。○祭祀謂天神地祇人鬼之屬。賓客謂朝聘之君臣。此二式皆

謂其酒醴牲牢。若其幣帛芻秣之屬。別有式矣。喪謂王以下之喪。葬荒謂國之荒札。羞服謂王以下賸羞衣服之屬。工事通謂君若國宮室器用之屬也。幣帛謂皮幣玉帛之屬。祭與賓及凡當用者芻秣謂芻牧飼秣之屬。賓若軍役及凡當用者匪猶分也。謂凡以事制頒分之者。好猶恩也。謂凡以德意賜予之者。凡此皆待以九賦之財。賸詳見大府。祭視之式。如大祭酒三肅。用太牢。中祭再肅。用少牢。小祭一肅。用特牲之類。賓客之式。如上公饗餼九牢。三饗食燕。侯伯七牢。再饗食燕。子男五牢。一饗食燕之類。餘放此。此乃言用之有禮也。○周禮菁華曰。財用供於有司。而式法行於大宰。是以人主不敢違式。而過取。百官有司亦不敢違式。而過供。論道經邦立本於此。式法不行。而上下始交征利矣。龜山楊氏曰。先王所謂理財者。非盡籠天下之利。而自之其取之有道。用之有節。而各當於義之謂也。周官以九賦任民。以九賦斂財。九賦各有所待。而大宰又以九式節之。雖人主不得踰也。歲終制國用。則量入爲

出制度有不如式大宰符均節之所謂王及后世子不會者實無
得於會也世儒以爲至尊不可以法數制之非正論矣貴與馬氏
曰古稱國計之富者莫如漢然攷之史傳無他術也周時酒有權
鹽池鹽非有禁入市有稅至開皇三年並罷之後世以爲國於邦
財之大者而隋一無取則所取賦稅而已其年又行蘇威之言綱
緝一定者減爲二丈役丁十二番者減爲三十以其九年以江表
初平給復十年自餘諸州並免其年租賦十年又以宇內無事益
寬徭年十五者輸庸停放十二年又詔河北河東田租三分減一
兵革生功調全免則其賦稅復潤器如此而其科嚴富何也史以
爲帝躬履儉約六宮服澣濯之衣乘輿供御儉者隨令補用非庶
幾不計一內有司嘗以布袋貯乾薑臣袋進香皆以爲費用加饒
然後知易所謂節以制度不傷財不害民孟子所謂賢君必恭儉
下取於民有制有信國之良規也漢隋二文帝皆以儉富國漢
文節黃老隋文任法律而猶暗合聖賢如此後之談孔孟者乃謂
善則其難以天下自奉可也而其意遂創爲豐亨豫大雍正不會
之說飾人善文奸言以誤人國家豈不謬哉惟說曰大宰九式不
見其軍旅會同軍旅田役之式小宰則云掌祭祀朝覲會同賓客之
式其軍旅田役喪荒亦加之蓋嘗攷之朝覲會同所用不過半醴
委積之爲此自有賓客之式而軍旅田役所用則亦不過工事幣
帛勿祿匪頒之諸式而已大宰有工事之式則如司弓矢司甲冑

人棄人方人矢人盡人車人所當給者皆有法也有幣帛之式刑
如外府所謂供其財用之幣齋亦有法也有芻秣之式則委人軍
旅供其委積薪芻凡蔬材亦有法也有匪頒之式則如司勳賞以
等功之屬亦有法也軍旅最急者惟糧用官豈反調器蓋成用以
井田制軍賦凡邦有軍旅田役之事如廩人治其糧與其食倉人
供道路之穀積飲食之具遺人掌道路之委積之屬凡皆小宰令
各官府供之是以太宰九式不及也莊果魏氏曰均節者以二十
年之通制國用總計歲入若干歲出若干四分爲率用其三而
存一三十年則有十年之積不幸有故國不待加賦民得蠲濟所
以養王仁心助成恭儉之德而禁奢侈於未萌也平仲王氏曰成
周之世有司巡野觀稼以年之上下出斂法矣小司徒遂人等
官又令以歲時登其大家之衆寡及六畜車犖辨其老幼廢疾以
令貢賦司書則又三歲大計羣吏以知民之財凡稅斂掌事者受
法焉凡大時不登更治不職與凡民所自病一皆卹之如此而賦
用不足乃誰賦王躬以爲均節其損上以益下者一何至也後世
國費浩繁每歲司農先量所出貢賦郡國謂之會計不給又額外
科之謂之加派至橫征巧取又出加派之外其爲一切苟且之計
不忍言矣以欲從人者王以人從欲者亡乘國成者反覆於均節
之說而不一爲恤以九貢致邦國之用一曰社貢二曰嬖貢三曰
民計者獨何心也

器貢四曰幣貢五曰材貢六曰貨貢七曰服貢八曰旂貢九曰物

貢續故書作貢註作幣大行人放此旂旄同○上取乎下為賦下

貢供乎上為貢疏曰凡侯國之賦大國貢其半於王次國貢三之

一小國四之一所貢者各市其物以獻若四貢貢服飾之類也祀

貢若牲腊之屬類貢若絲象之屬器貢凡器用之屬幣貢皮帛之

屬材貢若卉木竹箭之屬貨貢若金貝之屬服貢若絺紵織繡之

屬旂貢若珠璣琅玕羽毛之屬物貢若肅慎之格矢審須之數關

輦之甲之屬此亦言取之以制也係詳秋官大行人○王氏曰儀

內以上取下而名賦表公上均節之制邦國以下奉上而名貢著

臣子忠順之節龜山楊氏曰致者使其自至若天王求金求車則

非自至也雜說曰言致邦國之用者非用物不貢所謂不貢異物

賤用物也王氏昭禹曰先王生財有道取財有義用財有禮九職

所以生財也九賦所以取財也九式所以用財也夫有道以生之

有義以取之有禮以用之然後有以服天下而諸侯莫不來享矣

此九貢所以次九賦九式之後也潛溪鄧氏曰九職之先賦也明

賦所自出九式之先貢也明貢所自入國無後用以九兩繫邦國

無靡費而賦貢盡於式也宰制國用其必由此

之民一曰牧以地得民二曰長以貴得民三曰師以賢得民四曰

儒以道得民五曰宗以族得民六曰主以利得民七曰吏以治得

民八曰友以任得民九曰蔽以富得民

長上聲○此又即九兩之

之意也兩猶耦也繁猶綴也主謂公卿大夫主其家數謂齊康寧大澤大數也地者邦國之牧之疆屬貴者官師之長之名位賢者師之德行可尊道者儒之道藝可法族則大宗之子以合族屬利則貴家之主以散利養治則鄉遂縣鄙之吏政令相攝任則守望出入之友保任相維富則廣瀦鉅野之數財物相守大宰之職終以此者協耦萬民而繁屬不散尤掌邦之要道自八法至九貢各條之意舉不外此也○王氏曰先王建諸侯五國以爲屬屬有長十國以爲連連有帥三十國以爲卒卒有正二百一十國以爲州州有牧九州之牧之屬祿以其地故云以地得民衛言牧者舉尊以見卑也長則地非其有故云以貴得民雜說曰先王綴民以族所以一天下後世徒蔽於其害而莫見其利如商之七族貴封康叔懷姓九宗實封唐叔強宗大族禮義足以齊家好尚足以帥俗不幸魯桓齊田并國逐君後世遂以爲不可容馴至五季元魏分析蔭戶而先王以族得民之意不可復矣楊渠張子曰管攝天下之心收宗族厚風俗使人不忘本須是明世族與宗法宗法立則人皆知統繫來處而忠義立國本豈得不固東萊呂氏曰詩云君

之宗之言公劉整肅其民上則皆統於君下則各統於宗其事相
須如此春秋晉執蠻子以界楚楚司馬致邑立宗焉以誘其遺民
是當典刑垂盡猶必立宗也王氏曰相任之謂友學校之友相任
以道鄉田之友相任以事也臨川王氏曰自牧至數皆有所兩則
民心繫屬而不散後世九兩既廢故宣王料民於太原而仲山甫
非之當是時上欲知民數不可得尙能得其情而制之乎民既散
矣則放僻邪侈無不爲也○疏曰大宰職文分爲二段自首至以
當得民十條爲一段明經國之大綱與其治政之條目也自正月
之吉以下又爲一段明頒宣前法因事而施耳愚按前段掌事六
典一條兼總全部以下九條乃卽治典歷言其職也其後段正月
之吉及歲終之屬卽本職之類職考職以明其始終祭祀朝會之
屬卽諸職之專職聯職以明其分合蓋前後兩段中又各分兩小
段其條理有如此正月之吉始和布治於邦國都鄙此總言治法
者五官皆放是也正月之吉始和布治於邦國都鄙此總言治法
以起下文兩節之意所謂頒職也正月周正建子之月吉朔日也
凡治有故言始和者若改造然布猶秋官布憲之布治卽治象之
云凡典則法之屬下文乃令萬民觀象乃施法官府此祇言和布
於邦國都鄙者舉遠方以該近也○王氏曰和者可不相濟之理
先王以道制法以法治事歲終則令百官府各正其治受其會
其致事以調制所當改易卽吏典所謂平在朔易也講政於歲終

和布於正月之吉與時脩行之意也明齊王氏曰唐鑑為一大大典後賢後王率由舊章而已而六官於正月之始多稱和布何也成事變無窮治道與之推移大臣佐王御天必協和而後可守也成王名為守成而一代典章皆其所立後世不知此意時移勢改不敢少有損益恐亂成法也其小人陰壞默損則更不能問必至極弊然後英主起而整飭之此不善守成者也周公之旨深哉乃縣治象之法於象魏使萬民觀治象挾日而斂之

縣縣同挾子協反又作決各職

放此○此承上文之意而首言布治於萬民也乃懸者懸事之詞和布罪乃懸之也說見小宰萬民指國中四郊之民稱萬民約詞也象魏闕名一名兩觀其兩旁巍然側示而中闕故名也挾日謂一句斂收也必懸十日乃收者以深示國郊之民也○官制曰漢武時律令凡三百五十九章文書盈几與者不能徧視在闕承用多駁誤乎是又何以責其下乎愚夫細民望之如天莫測其意向所在及陷乎罪然後從而刑之是罔民也夫法者使民易避而難犯也成周布之邦國都鄙垂之象魏徇以木鐸斂以挾日上意達乎天下意協乎上示之以好惡而民知乃施典於邦國而建其牧禁一道德以同風俗其源流蓋如此立其監設其參傳其伍陳其殷置其輔乃施則於都鄙而建其長

立其兩設其伍陳其殷置其輔乃施法於官府而建其正立其貳

設其攷陳其殷置其輔監平展參三同傳音附○此承上文言布治於邦國都鄙與百官也牧註謂九州之

長大宗伯八命作牧也監謂五等諸侯各監一國也一謂牧諸侯之通稱舉尊以見卑也監謂王命監侯國者王制使其大夫為三

監也參謂國之三卿伍謂其下大夫五入展之言衆謂上中下士輔謂府史胥徒也長通謂都家縣鄙之長兩謂其左右伍謂其臣

屬正亦長也謂大宰大司徒之類疏曰左傳杜預謂季孫云吾子為司徒夜猶微也謂宰夫鄉師之類建立以下皆明設官之意施典施則

施法則明分職之意也○疏曰左傳杜預謂季孫云吾子為司徒夫子為司馬孟氏為司空則諸侯三卿司徒司馬司空也五大夫

都司徒司空之下各二大夫司馬事省一大夫也都鄙之長不足於三卿者諸侯南面為尊故得仲都鄙之長在天子之下故屈也

愚按三卿為司徒司馬司空今見於書敘誓立政二篇皆如此若衆宰宗伯司寇之三官疏不言據吳氏則其下五大夫為三官之

小卿據崔氏則謂三卿兼之今攷二說相須始備也蓋三卿所兼畧如其大宰大宗伯大司寇之意而下大夫所為者則如小宰小

宗伯小司寇之職與凡治以典待邦國之治以則待都鄙之治以法待官府

之治以官成待萬民之治以禮待賓客之治

此又歷言典法則之類之待治亦即頒職

之意也典則法即六典八則八法成即小宰八成禮謂賓客之禮特者待其成而致之也不言八柄八統及九職以下者八柄八統天子主之冢宰制國用亦特制之而已故異詞也○雜說曰大臣之事唯講典法所由出然後散其條目付之有司故凡治以典則法之屬待之大臣清心論道格君心而已平仲王氏曰天子治吏不治民萬民雖衆有八成以治官而萬民治矣 祀五帝則掌百官之誓戒與其具修前期十日帥執事而卜曰遂戒及執事祗滌濯及納亨贊王莅事及祀之日贊王幣爵之事祀大神示亦如之享先王亦如之贊玉凡玉爵
帥率同祗視同享烹同元祇同各職並放此○此以下歷明其祀喪朝會之屬所謂聯職也以小宰六聯推之不及軍旅世役凶荒蓋作大事統之與五帝謂五行之帝而太昊少昊炎帝黃帝顓臾配之也誓戒謂致齋散齋之屬其謂助祭豆饔之屬修謂陳設濯饗之屬卜曰致齋當七日致齋當三日也及執事謂初爲祭前十日卜戒者以敬齋當七日致齋當三日也及執事謂初爲祭事也自祭之前夕三納亨謂納牲告殺以授亨人也自祀之晨

言曰猶時也。自正祀之時言。蓋祀之前夕。親視洗祭器。而其晨王祖而迎牲射割。則又剪其毛以贊之。至祀時。王以玉幣禮神。以爵獻神。則更執以授王也。祀大神前。謂郊於闕丘。社於方澤。享先王。謂祫禘於大廟。別言王几玉爵者。玉几以依神。玉爵以獻神。獨享先王用之也。玉幣禮神。見大宗伯。○家語季康子問五帝孔子曰丘也聞諸老聃。天有五行。水火金木土。分時化育。以成萬物。其神謂之五帝。古之王者。易代改號。取法五行。更王相生。亦象其義。故生爲明王。死配五行。是以太皞配木。炎帝配火。黃帝配土。少皞配金。顓頊配水也。康子曰。古者何芒爲木正。祝融爲火正。蓐收爲金正。玄冥爲水正。后土爲土正。此五行之主而不稱帝者何也。孔子曰。凡五正者。五行之官名。五行佐成上帝而稱五帝。太皞之屬配焉。亦云帝。從其號。少皞氏之子重爲勾芒。該爲蓐收。修及熙爲玄冥。顓頊之子黎爲祝融。其工氏之子句龍爲后土。此五者各以所業爲官職。生爲上公。死爲貴神。別稱五祀。不得同帝也。楊氏曰。有天地則有五行。四時有五行。四時則有五帝。帝者氣之主也。易所謂帝出乎震之類是也。貴與馬氏曰。五帝爲五行之主而在天。猶五嶽爲五方之鎮而在地也。五帝不出乎天之外。而謂五帝卽昊天則不可。五嶽不出乎地之外。而謂五嶽卽后土亦不可。陳氏曰。戒者飭其事。誓者告以言。大司寇戒之曰。誓百官。士師五戒而誓居一。則戒之中有誓。而誓則明其戒而已。掌以大宰重其事也。

協以太史正其禮也。大朝覲會同贊玉幣玉獻玉凡玉爵。朝音潮下並同

○朝覲會同詳大宗伯玉幣謂諸侯之六瑞六幣凡圭璧琮璋皮

帛之類玉獻註謂諸侯獻國珍異亦執玉以致之也六瑞爲贊六

幣爲享諸特獻爲庭實其玉皆大宰贊王受之若其馬皮以下及

凡庭實之屬則小宰贊之而已玉凡王朝侯時優尊之凡玉爵王

裸賓時酢王之爵其爵亦大宰贊王受之其凡則司凡筵設之而

大宰流之與○王氏曰朝覲或言大或不言者各指其時而稱之

五服皆朝之歲朝者衆故謂之大也疏曰大行人上公再裸而酢

侯伯一裸而酢子男一裸不酢裸乃大宗伯攝裸非冢宰所贊但

侯酢王用玉爵大喪贊贈玉含玉。含去聲○大喪謂王及后世子

則冢宰贊受耳。作大事則戒於百官贊王命。作起也大事通謂

將斂以實口註謂助嗣王爲之也。凡大事明事不止

喪而喪亦不止大喪矣戒於百官蓋謂其正長也以小事大王祇

喪小喪掌小官之戒令推之可見贊王命謂贊爲教命也。王祇

治朝則贊聽治祇四方之聽朝亦如之凡邦之小治則冢宰聽之

待四方之賓客之小治。治朝在路門外四方之聽朝謂凡巡幸聽

事之所贊聽治者助王聽斷其治也凡不

關於王之聽治者謂之小治此又申朝覲賓客之意也○王氏曰
四方之聽朝無常所如王巡四方諸侯各朝於方岳之下所謂聽
朝也祇朝於內聽朝於外皆贊其事則治外無異於治內矣臨川
王氏曰上文以禮待賓客之治此又云待四方之賓之小治者賓
客之大治詔於王八統所謂禮賓是也若其小治則冢宰專之而
已莊渠魏氏曰王恭已南面與宰臣平章大治一人之體也大治
助王不及小治不以煩王百揆之體也上奉王命次請於冢宰衆
務各以職治庶僚之體也故曰主好要百事詳主好詳百事荒鄧
氏曰宰皆大治其稱小歲終則令百官府各正其治受其會聽其
治對王之聽治言之耳歲終則令百官府各正其治受其會聽其

致事而詔王廢置三歲則大計羣吏之治而誅賞之

會音怪凡各
職會計之會

並放此○歲終謂周正建亥之月也百官府通六官而言會計之會
計聽謂審聽今正其所治之事爲會計文書既致則爲受而聽之
也廢置猶去留之意八柄中之二也羣吏卽百官府之羣吏誅賞
兼予奪生殺而言誅不言生賞不言罰蓋互文誅罪賞功明不徒
廢若置矣不言詔王省文也此總言治法之屬之受會聽事所謂
致職也○雜說曰冢宰總百官其職固受百官府之會聽其致事
而詔王廢置矣而司徒則又攷其屬正其要會而致事司徒又命
屬入會而致事下至宮正則會其行事內宰則審其功事雖膳夫

醫師至縣泉之屬亦然且又專設司會一職逆吏治而端之以詔
王及冢宰廢置蓋成周時各攷於眾職之長而後攷於本官之長
然後盡攷於司會而達於冢宰也又曰三年大比三年大閱三年
大計皆以三年爲率此非是一時行之蓋只是每年更互一件而
已王氏曰書云三載考績黜陟幽明周禮則歲終廢置三歲誅賞
何也蓋先王之治因時而已堯舜之時其法畧其事簡周之註其
法詳其事繁也莊渠魏氏曰周禮大宰歲終受會聽事而詔王廢
置三歲則大計而誅賞言大宰職其要也漢郡守辟除令長得自
課第刺史得課郡國守相而丞相御史雜攷郡國之計畫天子受
丞相之要而已元帝時京房奏考功課吏法公卿議爲煩碎魏劉
邵作都官定法七十二條杜恕以爲用不盡其人雖文繁無益也
唐法考功以四善二十七最叙爲九等國朝考課皆綜於考功而
官始不勝攷矣誠詔天下之官各課其所屬而數於朝內而六卿
亦各課所屬而數之用力少而成功多也○陳氏集說曰冢宰
兼六卿之事天下無所不統如出納之要職宿衛之親人供奉之
近習玉府財用之司存宮中使令之嬖寵凡布於王宮內外而迺
近於左右者舉屬之冢宰夫是云羣士大夫之職業有所統人上
之心術有所制紀綱不嚴名分不易體統之正孰大於此後世尊
大臣之權而授之羣臣散天下之屬而歸之百官又或倡爲大臣
不督細務之說使虛虛名於百官之上自漢以來變故備矣欲復

古治當自尉官冢宰始則
體統正而事可以次舉矣

小宰之職掌建邦之宮刑以治王宮之政令凡宮之糾禁此序小

夫二人之職也宮刑總言之也王宮謂王之宮殿凡宮謂后以下
及世子宮寢之類糾督禁止也言政令者重大之意言糾禁者嚴
密之義此首言內宰之專職也○王氏曰小宰掌建邦之宮刑此
治內以及外之意大司寇五刑無宮刑則宮刑獨小宰所建也文
王化行汝墳江漢反而求之木於后妃記曰古之明明德於天下
者先治其國治其國者先齊其家此之謂也葉氏曰王宮豈施刑
之地小宰掌刑之職蓋風俗自王宮始侍御僕從一有不正出
之起居一有不欽皆是官治也謂三風十愆之戒自若卿及冢士
與若喪亡之在朝夕臣下不正則墨刑繼履云嗣王祗厥身念哉
茲官刑雖微有信而實以格君心也則官刑之修廢亦即若心敬
怠所理而君德隆替所由基與愚按小宰掌典法則與貢賦式之
祇皆對大宰而言獨掌建宮刑若於大宰無所對此非無對也乃
對八柄詔王御羣臣言之也王者之治官中府中皆為一體大宰
於宮闈無不統而職專官府小宰於官府無不贊而職主宮闈蓋
王理陽教立六官后理陰教立六官外官不過九品內官不過九
卿大宰掌外而於內宮但聽之故小宰掌內而於外朝但佐之也

掌主之六典八法八則之貳以逆邦國都鄙官府之治執邦之九

貢九賦九式之貳以均財節邦用

此以下皆言佐大宰之事也貳副書也逆迎也謂迎受勾及也

典法則大宰掌建之貢賦式大宰制之小宰則掌其刑以逆治而均節財用也

以官府之六叙正羣吏一

曰以叙正其位二曰以叙進其治三曰以叙作其事四曰以叙制

其食五曰以叙受其會六曰以叙聽其情

叙倫次也此下各條皆佐大宰之八法而特以

六叙先之者必官府之倫叙正而後邦治可修也羣吏自卿以下至士也位謂爵秩治謂功狀事謂職事食謂祿食會謂會計情謂

訟情六者皆以尊卑為先後所謂叙也按大宰各正其治受其會即會其治也今分言之者進治言平時受會言歲終也此以下專

舉其佐治官府之法蓋小宰雖主官府之六屬舉邦治一曰天

官屬其於官府不啻嚴以重矣

官其屬六十掌邦治大事則從其長小事則專達二曰地官其屬

六十掌邦教大事則從其長小事則專達三曰春官其屬六十掌

邦禮大事則從其長小事則專達四曰夏官其屬六十掌邦政大
事則從其長小事則專達五曰秋官其屬六十掌邦刑大事則從
其長小事則專達六曰冬官其屬六十掌邦事大事則從其長小
事則專達長上聲○長通六官之長及各署之長而言屬謂其僚屬官得專之也此明八法中官屬以舉邦治之一也○竹野葉氏曰周官三百六十屬通攷其成數幾三千人然官屬有不必專置者地官如角人羽人掌炭掌荼等職但征一物秩官如庶氏冥氏若族氏赤友氏等官但政一事不可兼乎有不須常置者田則有甸祝祖則有詛祝祀戎則有伊耆衛牧喪紀則有職喪喪祝夏采不可兼乎茲周人因事而置官周禮因官而存名不兼職攝職則官冗不存名則官廢知此二者可與言官制矣明齊王氏曰大事不從其長則政出多門而大臣無權小事不專達則大臣親細務以事自蔽下僚不得以官府之六職辦邦治一曰治職以平邦國盡其才二者皆非也以官府之六職辦邦治一曰治職以平邦國以均萬民以節財用二曰教職以安邦國以寧萬民以懷賓客三

曰禮職以和邦國以諧萬民以事鬼神四曰政職以服邦國以正

萬民以聚百物五曰刑職以詰邦國以糾萬民以除盜賊六曰事

職以富邦國以養萬民以生百物六職即六典之職節財用者制

鬼神者明禮樂而幽鬼神也聚百物者服政令而修貢獻也除盜賊者無濫刑無縱法而奸宄息也生百物者無曠土無游民而積

物滋也六典言其經法六職言其事任太宰六典以邦國官府萬民三者並稱此不並稱官府而及節財用懷賓客之類者官府之

六職已冠於首矣故特推其事驗也此明八法中官職以辨邦治之一也○王氏曰徒善不足為政故制治必有法徒法不能自行

故行法存乎人先王建六官授以六典以官府之六聯合邦治一而因以六職辨其治此相因為用也

曰祭祀之聯事二曰賓客之聯事三曰喪荒之聯事四曰軍旅之

聯事五曰田役之聯事六曰斂弛之聯事凡小事皆有聯施杜讀為施鄭

讀如字○今猶會也如祀祭則大宰贊王卿士司徒奉牛牲宗伯尚牲饌司馬蒞魚牲奉詔馬牲司寇奉大牲之類是也餘放此祭

視以下與大宰九式本職七事小其等見各條用以簡衆役以仕衆教請斂聚施謂施放小事謂六聯以外此明八法中官聯以會邦治之一也○鶴山魏氏曰周官聯事最密朱子謂一部周禮盛水不漏此也雜說曰官制之法職不分則無統事不聯則不精如人耳目手足雖各司而氣脉相通庶幾自揆四款州牧侯伯截然有紀然義和掌四時之政得與內朝參議臯陶洲官得陳謨啓沃伯益農官得贊禹師旅以官府之八成經邦治一曰聽政役以典謨事雖不詳意亦可見

比居二曰聽師田以簡稽三曰聽閭里以版圖四曰聽稱責以傳

別五曰聽祿位以禮命六曰聽取予以書契七曰聽賣買以質劑

八曰聽出入以要會

比音避責債同傳音附別音鼈予上聲劑音茲○大宰官成以經邦治官常以聽邦治今

經與聽互言之者始定爲官成久垂則爲官常也政役自力政而言比居謂比隣之籍也師田自軍政而言簡稽謂閭計之籍也閭里指地政而言版圖謂戶地之冊也稱者稱貸責者責債傳別謂合券分執也祿者奉祿位者爵位禮命謂禮儀策命也取者乞取予者給予書契謂文書符契也質買謂市中相交易者大市有知見曰質小市爲約信曰劑出入謂官內自取用者歲計曰會月計

曰要此明八法中官成以經邦治之一而所謂官常以經邦治具其中矣王氏謂法一定而不可虧故謂之成司寇凡萬民之獄訟以邦成弊之是也○葉氏曰民聚而必有事事起而必有爭聖人防於未然故書以載法法以待事而來而應以法訟起而正以書猶決事之不可無比斷事之不可無律也易云上古結繩而治後世聖人易之以書契百官以治萬民以察蓋取諸夬其官成之謂與劉氏曰八者所以養民之信也自古皆有死民無信不立禮樂刑政待信爲本否則雖禮樂刑政何所措哉王氏詳說曰八成皆文書也比居簡稽版圖禮命要會文書之用於公者也傅別書契質劑文書之別於民者也有子息爲稱責無則爲取子有手書爲傅別無則爲質劑結繩作而有書契以書契爲未足而有質劑以質劑爲未足而有傅別取子輕於賣買賣買輕於稱責此三者所用之輕重也愚按八者公私皆用如泉府職取子稱責公亦有三但五者公爲多三者民爲多王氏舉其繁而言耳以聽官府之六計弊羣吏之治一曰廉善二曰廉能三曰廉敬四曰廉正五曰廉法六曰廉辨聽亦平治之意也弊斷也謂以平治官府爲本也德足宜民曰善才足辨事曰能不懈於位曰敬不諉於行三正守法不阿曰法臨事不惑曰辨此明八法中官計以弊邦治

之一也。○鄭氏曰：善德之本，能德之用，敬正善之則法辨，能以法之施也。乃其介在廉善教正，非廉不能，能法辨非廉無取也。掌祭祀朝覲會同賓客之戒具，軍旅田役喪荒亦如之。七事者，令

百官府共其財用，治其施令，聽其治訟。○戒具，其供同各職，彼此○戒具

註謂先四事如之者三事也。疏謂七者即上六聯六聯中不言朝覲會同於賓客中兼之也。王先生謂此不見六聯中之敬弛者，令供財用治施令則敬弛之意在其中也。事狀曰：治爭理曰訟，此又明八法中官法以正邦治之一也。○王氏曰：大宰於戒具不言法亦不言令，百官府以下道揆之任也。此言其以法掌祭祀之類而令之則不與道揆故也。祭祀吉禮，朝覲會同賓禮，軍旅田役軍禮，喪荒凶禮，祭祀有服，膳賓客有享，燕即嘉禮，則五禮具於此。七事矣。楊山魏氏曰：荆公嘗以道揆自居而不曉道與法不可離，故其新法皆前君之法而非帝王之道。永嘉陳氏作唐制度紀綱論云：得古人為天下法，不若得於法之外，彼以道德為法外，皆因荆公制道法為二。後學遂為此說，如周禮三百六十官，道正寓於法中也。林氏曰：三代之政未嘗有轉輸，春秋列國會同征伐無歲無之，然其兵食費用取給於所過，亦以郊里道路皆有委積故也。周禮小宰會同軍旅，令百官府供其財用，春秋齊師還自召陵，申侯請

道出陳鄭之間供其資糧屏履是也至秦欲攻何奴始使民飛晚
 芻粟轉輸河北卒三十鍾而致一斛轉運之盛蓋興於此與愚按
 荆公離道與法為二而以別大小宰魏氏議之是也抑又溯而求
 之形而上謂之道形而下謂之器不相離亦不相離孟子亦云上
 無道揆下無法守蓋自道法而言則二者二而一自人之體道守
 法而言則有道揆者未有不貫乎法而徒有法守者或未明乎道
 是二者一而二亦所謂可使由而不可使知也學者以是推其源
 流分合則荆公之論固非而魏氏亦豈盡然哉大宰註賓客為朝
 覲會同本職亦云賓客之聯事而已不及朝覲會同也今以賓客
 與朝覲會同並稱未詳或曰朝覲會同賓客謂朝覲會同之賓客
 耳七事祭祀一賓客二軍旅三師田四行役五喪紀凡祭祀句贊
 六凶荒七非若註之說也其說較密學者更詳之凡祭祀句贊

玉幣爵之事祿將之事凡賓客句贊祿凡受爵之事凡受幣之

事此以下言其祀賓喪荒之聯職也不及餘事者小宰不與也後
 王及大朝覲會同之屬而言也大宰贊王王幣爵之事小宰又贊
 之者小宰執以授大宰而大宰執以授王也賓祿將之事者祿謂
 酌饗也祿以祿獻也將送也王以項酌禮小宗伯以將送而小宰贊
 送也賓客亦祿者如承祭也贊祿祿者王祝諸侯以贊祿賓則小宰

贊王祿而大宰受賓辭爵進於王王既畢授於大宰則小宰又贊大宰也贊凡受爵之事凡受幣之事者玉爵玉幣玉獻小宰贊大宰以贊王若凡爵幣之屬小宰自以贊王也○疏曰宗廟有祿而天地不祿者覆載之德本無可稱故無祿直加敬而已宗廟則王若后酌鬱鬯獻尸尸皆受灌地降神乃向口啐之也祭天地既無祿而宗伯蒞玉鬯表記親耕粢盛和鬯以事上帝者蓋春官鬯人社稷山川等外神皆用鬯但不用鬱也王氏曰天則升燁地則薦血人之魂氣歸於天體魄歸於地故燁蕭以求諸陽祿鬯以求諸陰也程子曰天地用玉幣而不祿則玉幣尊於祿鬯故玉幣大宰贊之祿鬯則大宗伯蒞之祿將又卑於祿鬯故小宰贊之若此類者所謂序事也先王量德受任因任受職此序事所以辨賢也王先生曰宗廟之祿王與后爲之賓客之祿宗伯代爲之王不酌賓客而有受酬示君喪荒受其含祔幣玉之事○以無酌臣之義也喪荒受其含祔幣玉之事○以貝玉實口曰含以衣衾贈斂曰祔喪有諸侯贈送之含祔荒有諸侯賜委之幣玉皆小宰受獻於王也莊渠氏曰南荒幣玉助以肅神詩云圭璧既卒○莫我○
聽是也月終則以官府之叙受羣吏之要贊冢宰受歲會歲終則令羣吏致事

此以下言其政職頒職也叙卽官府之六叙羣吏通謂六官之羣吏若司徒專稱令教官司寇專稱令羣

士明與冢宰總六官異也。月計曰要。小宰自以其叙受之歲。正歲計曰會。則大宰受之而小宰贊之。令敘事亦以贊受歲會也。正歲帥治官之屬而觀治象之法。徇以木鐸曰。不用命者。國有常刑。乃退以宮刑憲禁於王宮。令於百官府曰。各修乃職。攷乃法。待乃事。以聽王命。其有不共。則國有大刑。帥率同各職並放此。○正歲亦言謂之正月之吉。自其月而言謂之正歲。以正月之吉懸之。而十日之內觀之。故不稱正月之吉而稱正歲也。且全經凡稱正歲觀象考法皆與歲終會治敘事之文相連。終始循環義較明矣。等誤引凌人職以証正歲為寅月。辨見凌人體聖經者幸詳之。徇行示之也。木鐸金口木舌振以警衆者。憲謂表懸之也。百官府亦通謂六官之官府也。上文帥治官乃其一官而已。又以冢宰總六官故小宰於正歲通令之而後六官之歲會冢宰於歲終受之也。乃猶汝也。常用言其不易。大刑言其不輕。互文也。政行示或表懸或宣令者。各因其宜也。○疏曰。帥治官以下小宰因大宰懸衆使觀而知當年治政之法。以宮刑以下蓋以秋官士師之官禁表而懸之宮內也。令於百官府以下蓋亦繫於大宰而令百官也。此於職末總結之也。

宰夫之職掌治朝之法以正王及三公六卿大夫羣吏之位掌其

禁令

此序宰夫下大夫四人之職也治朝見大宰凡羣吏皆臣屬

之通稱此繼公卿大夫專指羣士而言卽夏官司士王族故

士之類也

禁令凡威儀之則此首言正朝儀也○平仲王氏曰夏

官大僕掌正王之服位王既朝則正位而退入亦如之此專正王

之位也而宰夫則掌以法正王及三公六卿大夫羣吏之位大專

掌士之位者不必及公卿大夫羣吏而掌公卿大夫羣吏之位者

必先及王而後知王之服位法儀於公卿大夫羣吏且加嚴焉豈

若後世君益驕臣益諂者之謂哉愚按夏官王之位大僕既正之

而王及公卿大夫士之位司士又正之今宰夫復云爾者大僕司

士特正之而已不掌其禁令此則掌以禁令而察舉之也禁察亦

必自王始此修己以敬爲恭而天

下平之本王氏所爲發其蘊與

叙羣吏之治以待賓客之令諸

臣之復萬民之逆

叙治謂叙次其職也待猶大宰以待邦國以待

民陳言於上曰逆

此大言達下情也○某氏曰羣吏謂待賓客諸

臣萬民之吏如秋官之行人掌客乃待賓客之令者及官之大僕

小臣乃待諸臣之復者其僕御乃待庶民

之逆者而宰夫皆叙之使各辨其事也

掌百官府之徵令辨其

八職一曰正掌官屬以治要二曰師掌官成以治比三曰司掌官

法以治目四曰旅掌官常以治數五曰府掌官契以治藏六曰史

掌官書以贊治七曰胥掌官叙以治叙八曰徒掌官令以微令

誤法王氏正之○百官府通謂六官之官吏也徵召也上有召令

而辨其職也正六官之長如冢宰卿為僚屬所取正者官屬即八

法中之官屬要即月計之書也師六官之佐如小宰中大夫宰夫

下大夫為僚屬所受數者官成即八法中之官成凡即旬計之書

也司如上士中士各司其職者官法即八法中之官法目即日計

之書也旅如下士眾為其職者官常即八法中之官常數謂羣事

之數也此以上言辨官職也府主書文書者自既成而言故曰契

而掌以治藏史主治文書者自當成而言故曰書而掌以贊治胥

有才智為什長者官叙為官府之次故掌以治叙徒應呼召而趨

走者官令為官府之命故掌以微令此以上言辨吏職也要凡目

數四者義見司會掌職○王氏曰王有徵召命令宰夫辨而施之

或下於其正長或下於其司旅此與大事從其長小事專達相通

莊渠魏氏曰小宰所辨六職各官府總分者也宰夫所辨八職每

官府自分者也上下有體尊者治其大而卑者治其小而詳

川王氏曰積凡以爲要。要者月計。積月以爲比。比者旬計。積數以爲目。目者日計。數則一二三四之類是也。數爲府史之所掌。而族治之日爲族之所掌。而司治之。凡爲司之所掌。而師治之。要爲師之所掌。而正治之。若夫精要以爲會。則正之所掌。而正治之矣。葉氏曰。小宰奉大宰八法以治官府。而別立六叙以冠之。則六叙視八法爲重。然宰夫八職。七日胥掌官叙以治叙。以徒役而掌官叙。不幾襲乎。蓋小宰所掌者。正羣吏也。宰夫以胥治之者。特徵令之時。承其命而治之耳。愚按。徵令辨以八職。通自官府而言也。然正師司族一府署中皆備者。惟六鄉爲然。而其餘府署或掌治法以不具也。則經固舉上以包下。而註亦據此以明之與。

致百官府羣都縣鄙之治。乘其財用之出入。凡失財用物辟名者。

以官刑詔冢宰而誅之。其足用長財善物者賞之。

辟。避同。○治法。謂八法八則也。

大宰施則於官府。施法於都鄙。而宰夫掌以攷其成功也。百官府猶司會天府言國之官府。謂王朝之官府也。羣都縣鄙猶同上言都家縣鄙。謂采邑及凡公邑也。他職多約言都鄙。此職詳言都家縣鄙。都鄙之義詳以明矣。乘。卽算法。乘除之乘。猶計也。失。謂失其所守財泉穀也。用。貨賄也。物。獸畜也。辟。名。謂以空名作實在。而避其罪名也。足。則不乏。長。則有餘。善。則無損。故或誅責或發賞也。此

又言及百官府之治而官若吏皆具其中矣。○黃氏曰：羣都之屬不爲羣都者，皆爲縣鄙大府。凡官府都鄙之吏及執事者受財用焉，故宰夫攷其治而乘其出入也。王氏曰：制治者法，行法者吏，吏有勤怠，則治有善否，故立法以攷之，大宰出法以治，小宰執法以逆宰夫，則循法以攷也。鄭謬曰：利之所在，姦僞必萌，人能於此不萌欲心者，廉吏也。故攷吏治以乘財爲要。明齊王氏曰：長財足用善物非聚斂也，生財有大道，惟用天時，因地利，節宣斂散，與天地相流通。若夫子之蓄蕃息，其次若蕭何之餽餉，劉晏之理財，亦可也。惟知道者能之，愚按宰夫勾攷之官，一攷邦治，一攷邦財，而於邦財必詳者，正以杜外本內末之患也。蓋足國之道在務本而節用，今所賞大足用長財善物者，不外於務本而其責夫夫財用物辟名者，乃所以節用此明齊所謂惟知道者能之也。若彼以財繫身貨悖而入者，雖劉晏猶不屑爲，而況聖人乎。以式法掌祭祀之戒具，與其薦羞從大宰而砥滌濯，凡禮事贊小宰，比官府之具，凡朝覲會同賓客以牢禮之法掌其牢禮委積膳獻飲食賓賜之殽牽與其陳數。此音選委

○此以下言祭賓喪之屬之職也。戒具見大小宰薦羞見選醢二職凡禮事謂祭賓喪弔以外比之言校也。小宰令百官供其財

用此簠校其美惡足否也。牛禘之法，包下各條而言。牛羊豕具爲一半，牢禮委積，若五積五牢，四積四牢，三積三牢之屬。膳，太牢及禽獻之屬，飲食若饗食燕之屬，賓賜之屬，亦若致饗饗及特賜之屬。凡此者，未至則陳委積，已至則陳膳，以飲食給奉，皆須比具以陳之，而其陳之之數，則皆以爵爲差。凡邦之弔事，掌其也。詳見秋官大行人掌客及聘禮公食大夫。凡邦之弔事，掌其

戒令與其幣器財用，凡所共者，大喪小喪，掌小官之戒令，帥執事

而治之。三公六卿之喪，與職喪，帥官有司而治之。凡諸大夫之喪

使其旅帥有司而治之。弔事，卽大府待非之弔用是也。小喪，謂后

戒之也。治，皆謂治其俱具。職喪，宗伯之屬，官有司，卽職喪。歲終，則所謂公有司也。旅，謂職喪之下士有司。蓋官有司之屬。歲終，則

令羣吏正歲會，月終則令羣吏正月要，旬終則令正日成，而以致

其治，治不以時舉者，以告而誅之。正歲則以法警戒羣吏，令修宮

中之職事，書其能者，與其良者，而以告於上。此言其考職頒職也。令羣吏，謂六官之

舉吏旬十日也歲會月要日成猶司會所謂歲成月成日成不時
舉謂失期也以告謂告於大宰也警戒羣吏者贊小宰令於百官
府令修者贊其憲禁於王官也能言才良言德告於上通謂大宰
若小宰也○鄭氏鐸曰小宰宰夫推大宰之法警飭百官府之治
可矣然世未有家不齊而能治國以平天下者小宰之官刑宰夫
之官職首以齊其家而官叙朝儀乃以治其國然後大宰之典法
可以平天下矣節鄭氏曰大宰之權重矣誅賞廢置不過終篇
一言小宰宰夫賦大宰者而御史反諄諄何也此所以尊大宰也
周三公兼大宰與王論道經邦建典法於上而其小宰宰夫率職
法於下小宰既建邦之官刑治王官之政令與凡官之糾禁而宰
夫又令官中之職事其治內嚴也小宰既廣大宰之八法以爲六
叙六屬六職六聯八成六計而宰夫又廣小宰之六職以爲八職
小宰不用法者國有常刑其不其者有大刑而宰夫又於治不以
時舉者以告而誅之其間掌凡禮儀之政令禁令掌百官府之徵
令弊叙羣吏之治與攷百官府羣縣都鄙之治其治外嚴也蓋是
時大宰常寬以遠而小宰宰夫常嚴以飭秦漢以來道揆失而法
守滋亂或佐天子理陰陽而不對錢穀刑獄否則又特以簿書期
會爲大故耳統紀不明同歸於亂唐太宗之六典庶矣而政均於
人品均於官交相輕忌其中則有字相反奉行文書而奔歸羣有
司者然則周大宰之制至是三變矣其始也大臣自棄其權而不

爲其中也則貪其權而不擇所當爲其卒也上又奪其權而不使有爲此太宰之立法小宰宰夫之奉法不可不考也

官正掌王宮之戒令糾禁

此序官正上中下士十一人之職而總舉之也

以時比宮中之

官府次舍之衆寡爲之版以待夕擊柝而比之國有故則令宿其

比亦如之

比音避下同柝音託○時謂四時也後凡言時者放此官中之官府若膳夫王府之屬次謂命直之廬舍謂退

息之所其衆寡猶鄉大夫率其衆寡之衆寡謂徒役及其家之子弟也版以書名柝以警守比之言校也故變故也有故特爲之中令其宿若其擊柝比之則辨外內而時禁稽其功緒糾其德行幾一也此言比校之粗節也

其出入均其利食去其滯怠與其奇袤之民會其什伍而教之道

禁者別外人內人而禁其非時出入也幾以防奸亦糾德行之意均以稱事亦稽功緒之意民猶言庶人在官也會合也滯怠則

妨功奇袤則害益五人爲伍十人爲什合而教之道幾以育德而

進功也此言教令之詳目也○註曰必會之者欲使之章作羣學以寄宿衛之令也疏曰使其宿衛時語言相贊服容相識是其章

作及其學問又相親友切瑳琢磨是其羣學總是相勸率也又云寄宿衛之令者如管子因內政寄軍令在家時五人爲比在軍還五人爲伍之類此使之輩作羣學似在家因使之宿衛似寄軍令也雜說曰宮正以德行道義教王左右前後之人環衛之士其活怠苛業者又不得與乎其間此月終則會其稍食歲終則會其行所以待御僕從用非正人也

事行也此政職之事凡邦之大事令於王宮之官府次舍無去守

而聽政令大事冠戎之屬守即謂次舍也春秋以木鐸修火禁

春秋謂夏正仲春之卯月仲秋之酉月也以秋官司矩氏仲春以木鐸修火禁推之可見凡周官言歲終正歲正月之吉皆周正以尊正朔也其言四時皆夏正以敬人時也後皆放此修火禁者爲時將出納火嚴警備也此頒職之意○註曰火星以季春出以季秋入因時以戒也蓋曰火星也公羊謂之大辰夏正三月東出於辰九月西伏於戌凡民陶冶鑄造火出則爲之火伏則休之此則因其時而於凡邦之事雖宮中燭中則執燭大喪則投廬舍辨宮中慎火也

其親疎貴賤之居卑夾衛也說詳秋官大司寇燭猶燎也爲之大曰燹小曰燭也廬倚廬舍室室親貴居

倚廬疎賤居聖室雜記大夫居處士居聖室此聯職也○王氏曰天官之職官中至要而官官與小宰之掌官禁宰夫之令官職相成此所以首列其職也

宮伯掌王宮之士庶子凡在版者掌其政令行其秩叙作其徒役

之專授八次八舍之職事

此序宮伯中下士六人之職也士註謂公卿大夫元士之適子庶子謂其衆子

徒役謂士庶子之所屬也事謂微巡奔走之類八次八舍謂宮之四角與四中此猶上職之節目也○東萊呂氏曰古者執干戈以宿衛王宮皆士大夫職之無事而奉燕私則從容養德有膏澤之潤有事而司捍禦則堅明守義無戚心之虞下至秦漢陛楯執戟尙餘一二此制既廢人主按士大夫者僅有視朝數刻而周禮陞也或環以椎埋鬬悍之徒矣愚按夏官司士掌士之職令諸子掌諸子之俸又祭統云鄉舉旅行酬而後獻大夫大夫舉旅行酬而後獻士士舉旅行酬而後獻庶子則士者上中下士之總名而庶子者諸子所掌公卿大夫士之子也而此以其適子爲士衆子爲庶子者蓋凡士皆選於鄉升於司馬遞升而爲中士上士若公卿大夫士之適子始皆爲士所謂士之子恒爲士也適子皆衆子供宿衛而又云凡在版者蓋士庶子有不供宿衛而其供宿衛也亦

有遷若去者故

若邦有大事作宮衆則令之

作起也宮衆卽謂士庶于此猶上歲之令

宿令守亦聯

月終則均秩歲終則均叙以時頒其衣裘掌其誅賞

職之意也

均秩者廩祿之差猶言會其稍食均叙者才能之等猶云會其行

事頒衣裘承秩而言定誅賞承叙而言此皆攷職之事○節卿鄭

氏曰宮正皆統於大宰何也不統於大宰則內外限隔而政令且

下移也西漢以期門羽林等爲宮禁之親兵而宮門之屯兵以衛

尉掌之謂之北軍十二門之屯兵及三輔屬於中尉之兵以城門

校尉掌之謂之南軍北軍在長安之內環衛王宮南軍在長安之

外環衛王城武帝增置八校以中壘益北軍以長水胡騎益南軍

是故尉勅安劉氏乃北軍制南軍之效劉屈氂奏三輔近縣兵及

長水胡騎入長安與太子戰乃南軍制北軍之效宋閭門司而外

皇城司主內庭宿衛內侍省都知副都知同主之殿前司統諸班

禁衛殿前太尉獨統之大抵皆周之遺意其不同者周統於冢宰

宋統於樞府也成王之季呂伋掌虎賁之上非宰臣之命不敢發

春秋時楚景列之尹亦掌之太師潘崇漢初光祿勳歲以四科考

第郎從官當時諸呂之亂滕公除宮左右執戟不肯去代王入未

央宮謂者執戟衛端門不得遽入其效亦畧可觀矣光武以來八

校併爲五禁於是南軍廢而北軍爲官官所親實武誅宦官召北

軍五校未幾卽改降王市此無他外無以制內而內所存者又未
嘗教之使知義也魏晉而降士大夫不復與宮衛唐與晉左右金
吾衛將軍掌宮中及京師之巡警凡胡衛及外府伏飛番上者皆
屬焉文武判然兩途德宗之世宦官權禁兵而廢立在其手矣反
覆觀晉唐之亂泰觀兩漢之盛衰然後知胡官之制有官正官伯
不可無虎賁有虎賁不可無司隸有官正官伯虎賁司隸之屬又
不可無大宰以統率之也葉氏曰說者多言官正掌兵衛官伯掌
郎衛竊謂不然官正官伯所掌皆郎衛若虎賁司隸之屬所掌乃
兵衛也官正詳言教禁而官伯不詳者上庶子有師氏保氏大司
樂諸子以教之故也愚按葉氏謂官正所掌亦爲郎衛者得之但
其謂官正掌卿大夫士之官吏直衛者而官伯掌卿大夫士之士
庶子入衛者則頗率矣夫官正所掌乃宮中官府之于弟與其徒
役而官伯所掌乃凡公卿大夫士之子弟與其徒役也宮中官府
之于弟與其徒役通謂之衆寡而凡公卿大夫士之子弟與其徒
役則分謂之上庶子與徒役者宮中官府如膳夫甸師酒正召人
之屬爾不過士其子弟不得謂之上庶子而與在官之庶人不甚
相遠故與其徒役槩謂之衆寡而其大節亦槩以民稱之若凡公
卿大夫士之子弟則不得與其徒役等視而以士庶子與徒役別
言之矣若如葉氏謂官正兼掌卿大夫士之官吏則經於卿大夫
士豈得槩以衆寡相目謂官伯但掌卿大夫士之士庶子則經於

士庶子何得復以徒役目之耶官正所掌之于命徒役視官伯所掌爲卑而官正以正名官列官伯之前者官正掌尤在內職稍重而其屬之大舍與其官府相近故亦不若官伯散在八次人舍也